

新野縣志卷之五

新野縣知縣常山徐金位纂修

人物志

新野極中州之南源起嵩山毓秀鍾靈漢晉來鄧陰
來庾諸大家勲業文章稱極盛焉若子陵之高尙黔
婁之純孝節義公主之捐軀殉難尤足勵風化光史
冊矣守土者取歷代之芳徽比類而書之若者忠孝
若者廉潔若者節堅金石若者脫然塵俗較若列眉
雖曰表揚前哲亦以風後人於無窮也作人物志

名臣

鄧

禹字仲華邑東鄉人幼遊學長安與東漢光武

相親附更始立禹不肯從及聞光武安集河北卽杖策北渡追至鄴帝見之甚驩謂曰生遠來寧欲仕乎禹曰不願也但願明公威德加於四海禹得效其尺寸垂功名於竹帛耳爲今之計莫如延攬英雄務悅民心立萬世之業拯萬民之命天下不足定也帝悅常止宿於中帝披輿圖示曰天下郡

國如是今始得其一子前言以吾而慮天下不足
定何也禹曰海內淆亂人思明君猶赤子之慕慈
母古之興者在德厚薄不以大小光武悅任使諸
將所舉皆當其才光武籌赤眉必破長安授以西
討之畧拜爲前將軍持節入關所至克捷光武卽
位拜大司徒赤眉入長安所過殘賊百姓不知所
歸禹停車駐節以勞來之名震關西諸將勸禹徑
攻長安禹不然之休兵北道就糧養士以觀其弊
二年更封梁侯赤眉西走扶風禹乃至長安謁祠

高廟收十一帝神主奉詣洛陽十三年天下平定
封高密侯禹內文明篤行淳備事母至孝有子十
三人各使守一藝修整閨門教養子孫皆可以爲
世法永平元年年五十七薨謚曰元弟寬封明親
侯顯宗乃分禹封爲三國長子震爲高密侯次襲
爲昌安侯季珍爲彛安侯少子鴻好籌策以爲小
侯與議邊計帝以爲能拜將兵長史肅宗時爲度
遼將軍與竇憲擊破敵有功徵行車騎將軍出塞
追叛逆坐逗留下獄死子訓震傳乾尙顯宗女滋

水公主拜侍中乾傳成及褒尙安帝妹
主爲少府褒傳昌拜黃門侍郎褒傳
平臯長公主拜侍中珍傳良及弟康

鄧

晨字偉卿妻爲光武女兒嘗識光武終就大事
漢兵起晨將賓客會棘陽漢兵敗小長安諸將多
亡家屬光武單騎走遇晨妻元趣令上馬元搗曰
行矣不能相救無爲兩沒也會追兵至元及三女
皆遇害漢兵退保棘陽而新野宰乃汗晨宅焚其
塚墓宗族皆恚怒曰家自富足何故隨婦家人入

湯鑊中晨終無恨色更始立以晨爲偏將軍與光
武畧地潁川擊破王尋王邑以爲常山太守會王
郎反晨間行會光武於鉅鹿自請從擊郎鄆光武
曰偉卿以一身從我不如以一郡爲我北道主人
乃遣晨歸郡光武卽位封房子侯四年留鎮九江
晨好樂郡職由是復拜歷爲中山汝南太守所在
吏民稱之十八年徵行廷尉事定封西華侯李膺
惠子棠嗣徙封武當侯傳罔及國及福永建初卒

縣子國除

歙字君叔父仲哀帝時爲諫大夫娶光武祖母

左歙光武甚親敬之初從更始入關數言事不用以病去更始敗東詣洛陽光武見歙大歡卽解衣衣之拜大中大夫使說隗囂歸漢及囂二於漢且忿歙質責欲殺之西州士夫以其有信義敬重之多爲之言故得免而東歸明年復以精兵襲破囂隴右遂安後與蓋延等進攻蜀之元安大破之公孫述大懼使刺客刺歙未絕馳召蓋延延伏哭不能仰視歙叱曰使者中刺客無以報國故呼巨卿

屬以軍事而反效兒女子涕泣乎延強起受誠歎
自書表薦段襄骨鯁可任乃投筆抽刃而絕帝甚
勵之贈中郎將征羌侯謚節子裒嗣傳稜爲黃門
侍郎尙顯宗女武安公主稜子歷

陰 識字次伯光烈皇后之前母兄遊學長安聞春

陵兵起委業而歸率子弟宗族賓客千餘人詣伯

升伯升以爲校尉更始元年遷偏將軍二年封陰

德侯建武初光武遣使迎陰貴人於新并徵識拜

騎都尉更封陰鄉侯明年以征伐功增封識叩頭

讓曰天下初定將帥有功者衆臣托屬掖庭仍加爵邑不可以示天下帝甚美之至十五年定封原鹿侯顯宗立爲皇太子以識輔導東宮帝每巡郡國識常掌禁兵鎮守京師入雖極言正議及與賓客語未嘗及國事所用掾吏皆簡賢者多至公卿顯宗卽位拜執金吾位特進卒謚貞子躬嗣傳璜璜亡無子國絕永寧初以璜弟淑紹封傳輔躬弟子綱以女爲和帝皇后封吳房侯三子軼輔敞皆

黃門侍郎

陰 興字君陵光烈后母弟膂力過人建武二年爲

黃門侍郎守期門僕射從征伐平定郡國每從出

入甚見親信雖好施接賓然門無俠客與張宗鮮

於裒雖不相好然知其有用猶稱其所長而達之

張汜杜禽素與厚善以爲華而少實但私之以財

終不爲言是以世稱其忠平第宅苟完僅蔽風雨

九年賜爵關內侯帝後召興欲封之置印綬於前

興曰臣未有先登陷陣之功而一家數人並蒙爵

士令天下觖望帝喜其讓從之貴人問其故興曰

亢龍有悔夫外戚家苦不知謙退富貴有極人當
知足貴人感其言深自降抑卒不爲宗親求位卒
謚翼子慶封鮦陽侯傳湊強侯員丹並爲郎慶讓
田宅與員丹帝義之擢爲黃門侍郎慶卒子琴嗣
琴卒子萬全嗣全卒子桂嗣興弟就嗣父封宣恩
侯改新陽侯善談論朝臣莫及然性剛傲子豐尙
光武女酈邑公主性狷急殺主被誅父母皆自殺
國除

鄧 訓字平叔少有大志不好文學禹嘗非之顯宗

卽位以爲郎中樂施下士士大夫多歸之永平中
監理滹沱石白河知大功雖立奏罷其役歲省費
億萬計全活徒士數千人章和二年代張紆爲護
騎校尉訓擁衛稽故令不得戰以德懷之月氏咸
歡喜聽命因出塞擊迷唐大破之燒當豪帥稽顙
歸死餘皆效塞納質遂罷屯兵訓雖寬中容衆而
於閨門甚嚴四年冬病卒吏人諸羗家爲立祠追
封平壽侯謚曰敬五子京黃門侍郎慳業侯洪西
平侯闔西華侯事母新野君以孝聞子忠以廢自

殺妻耿氏有節操養河南尹豹子爲嗣教以書學
永壽中著書東觀官至屯騎校尉長

鄧 洪隲弟和熹皇后之兄少治歐陽尙書授和帝
禁中諸儒多歸附之封侯

鄧 康珍子也少有操行兄良無後紹封夷安侯爲

越騎校尉康以太后久臨朝政宗門盛滿數上書
諫爭宜崇公室自損私權言甚切至太后不從因
謝病不朝太后遣內侍問之時宮人出入多能有
所毀譽其中耆宿稱中大夫所使者乃康家先婢

亦自通中大夫康詬曰汝我家出亦敢爾聃內倚
恚譖之太后怒遂免康官遣歸國絕屬籍安帝立
復徵爲侍中進太僕有方正稱名重朝廷加位特
進卒謚義侯

鄧 騭字昭伯少辟大將軍竇憲府以后兄累遷車
騎將軍定策立安帝封上蔡侯固辭不受受詔討
西域還拜大將軍時遭荒歉盜賊起西域侵叛騭
崇節儉罷力役推進賢士列於朝廷辟楊震朱鮪
陳禪置之幕府天下復安教訓子孫皆遵法度深

戒竇氏檢斷宗族閤門靜居永光元年復封爲上
蔡侯位特進時帝長多不德太后崩宮人先有受
罰者誣告鄧氏有廢立謀帝聽之廢鄧氏侯爲庶
人騰僅以不與謀徙羅侯悉遣歸故郡沒入其貲
產騰及子鳳俱不食死鄧氏子弟自殺者五人於
是大司農朱寵訟騰寃言甚切至帝悟詔諸從昆
弟歸京師順帝卽位復爵秩鄧氏自中興後累世
寵貴侯二十九公二大將軍以下十三中二千石
二千石二千石二十二州牧郡守四十有八自餘侍中

將大夫郎謁者不可勝數東京莫與爲比

來 歷字伯珍少襲爵以公主子爲侍郎延光初累

遷執金吾太僕侍中常侍樊豐與大將軍耿寶侍

中周廣等譏陷太尉楊震歷以傷害忠良絕不與

交時王聖等譏搆太子被廢歷累明其無辜獨守

關連日不肯去坐免官會帝崩順帝卽位朝廷皆

稱歷社稷臣拜車騎將軍官至大鴻臚卒子定嗣

尙安帝妹平氏公主順帝時爲虎賁中郎將傳子

虎桓帝時爲屯騎校尉弟豔字季德少好學下士

開館養徒少歷顯位靈帝時再遷司空

樊 華字仲華光武微時以事拘新野華爲市吏餽

餌一笥光武德之及卽位徵爲侍御史遷河東都

尉帝笑謂曰一笥餅易一都尉何如華頓首謝及

至郡誅大姓屏盜賊吏人畏之遷揚州牧教民耕

田種樹理家之術視事十餘年坐法左轉軹長隗

囂滅後隴右不安乃拜華天水太守政嚴猛奸申

韓法善惡立斷人犯其禁率不得生民歌曰寧見乳

虎次不入冀府寺大笑期必死忿怒或見置嗟我

樊使君安可再遭值在職十四年卒於官子融有俊才好黃老不肯爲吏

來 敏字敬達新野人來歙之後也入蜀爲劉璋賓客涉獵書籍善左氏春秋先主定益州署典學校尉及太子立爲家令後主踐祚爲虎賁中郎將累遷光祿大夫景耀中卒子忠博覽經學有敏風與尙書向充等並能協贊大將軍姜維善之以爲參軍

鄧 芝字伯高禹之後漢末入蜀先主與語大奇之

擢爲郟令遷廣漢太守清嚴有治績入爲尙書奉
使入吳修好孫權以吳有長江之阻蜀有重險之
固二國共爲唇齒則進可并兼天下退可鼎足而
立若委質於魏魏必上望入朝下求侍子江東之
地非復大王所有也權默然良久曰君言是也遂
絕魏與蜀連和使還以爲監軍累遷揚武將軍封
陽武亭侯芝爲將二十餘年賞罰明斷善恤卒伍
旣卒家無餘財

鄒 湛字潤甫南陽新野人以才學知名仕魏歷通

事郎太學博士泰始初轉尚書郎太康中拜散騎
常侍出補渤海太守轉太傅楊駿長史遷侍中駿
誅以僚佐免官尋起爲散騎常侍國子祭酒轉少
府元康末卒所著詩及論事議二十五首爲時所
重子捷字太應亦有文才永康中爲散騎侍郎

杜 曾新野人爲竟陵太守先是胡亢聚衆竟陵自
號楚公假曾爲太守曾殺亢并其衆自稱南中郎
將旣而致箋於平南將軍荀崧求討丹水賊以自

效崧納之

樂 廣字彥輔邑清陽里人魏叅軍方之子性冲約
有遠識與物無競善清談與王衍齊名爲天下風
流稱首夏侯元裴楷王戎皆歎賞不及每論人必
先稱其善長則所短不言自見衛瓘見而竒之曰
此人之冰鏡也時王澄胡毋輔皆以任放爲達或
至裸體者廣笑曰名教中自有樂地何必乃爾初
舉秀才釋太尉掾出補瓦城令累遷侍中河南尹
辨影沉孟之毒除狸妖閉戶之怪人稱神明在

政無功舉每去職遺愛爲人所思後官至尚書令
坐堵成郡王穎與長沙王又遊難以憂卒

南北朝

庾深之字彥靜新野人元嘉二十九年自輔國長史
爲長沙內史南郡王義宣爲荆襄二州加深之寧
朔將軍督湘川七郡明年義宣爲逆深之據巴陵
見書追贈冠軍將軍雍州刺史

曹欣之新野人宋元徽初爲軍主以平桂陽王休範
功封新市縣子爲佐軍驍騎將軍加輔國將軍元

徽四年進號冠軍將軍于景宗

武

念新野人本三五門出身宋郡將蕭思話爲雍

州遣士入龐道符統六門田念爲道符隨身隊主

後太府以念有健名且家富有馬召出爲將世祖

臨雍州念領隊奉迎時沔中蠻反世祖之鎮緣道

討伐部伍至太堤巖洲蠻數千人忽至乘高矢射

雨下念馳赴奮擊應時摧退擢爲參軍督護其後

每軍旅常有戰功世祖孝建中爲建威將軍桂陽

太守太宗即位遣念乘驛還雒州綏慰西土因以

爲南陽太守念旣至人情向之

樂

藹晉尙書令廣裔孫方頤隆準舉動蘊籍仕南

齊爲驃騎將軍叅荊州事梁天監中累遷御史中

丞終廣州刺史子法才仕梁爲建康令不受俸

比去將至百金縣曹啓輸台庫武帝嘉其清節因

居職若斯可以爲百城表矣尋陞南康內侍歷位

少府卿江夏太守弟法藏有才智官至征西錄事

叅軍法藏子子雲以江陵令除光祿卿魏兵克江

陵衆奔散呼子雲子雲不去死之

夷 單有口辯初辟南齊驍騎將軍功曹史後爲
州別駕清身率下妻子不免饑寒明帝手勅褒美
累遷會稽郡丞

張惠紹字德繼義陽人有武幹梁高祖踐祚封石陽
縣侯天監六年以功增邑三百戶尋爲持節都督
北兗州諸軍事魏宿預淮陽二城內附惠紹撫綏
有功進號智武將軍益封二百戶入爲左衛將軍
尋出爲持節都督司州諸軍事領安陸太守在州
和理吏民親愛徵還爲左衛將軍加通直散騎常

侍甲仗百人直衛殿內十八年卒謚曰忠子澄嗣
澄初爲直閣將軍丁父憂起爲晉熙太守隨豫州
刺史裴邃北伐有戰功歷官衛尉卿太子左衛率
卒官謚曰愍

曹景宗字子震以膽勇聞頗愛史書每讀穰苴樂毅
傳輒放卷歎息曰大丈夫當如是梁武帝刺雍州
景宗深自結附時天下方亂帝亦厚加意焉表爲
竟陵太守及帝起兵景宗聚衆并率五服內子弟
三百人從軍帝至竟陵以爲右衛將軍天監二年

封竟陵侯卒贈開府儀同三司謚曰壯天監五年
景宗禦魏振旅還朝賜宴聯詩令沈約賦韻已盡
餘競病二字景宗操筆斯須而成曰去時兒女悲
歸來笳鼓競借問行人何如霍去病帝賞嘆不
已舉朝嗟異

庾曼倩新野人六歲能誦老子及長尤善清談不滑
利愆梁元帝在荊州以爲主簿每好黃老言著莊
議馬樞字要

庾域篳之族梁文帝爲郢州辟爲主簿美其才爲

荆南杞梓後爲懷寧太守罷任還家妻子猶事其
曰仕終寧蜀太守子子與

庾 質字行修少明敏有志尚八歲通梁世祖元覽
言志等十賦拜童子郎仕周齊殤主記室開皇初
除奉朝請遷隴州司馬大業初授太史令操履貞
慤立言梗直每災異指事面陳煬帝多忌刻下獄
死子儉傳父業兼有學識歷襄武令以星歷知名

唐

庾光烈筆之後與弟光先俱不受安祿山僞官而逃

之光烈終大少卿光先吏部侍郎

庾 何光烈子朱泚反與弟倬逃山谷不仕官至兵

部侍郎

庾敬休字順之何之子唐舉進士又中宏詞科拜宣

州幕府入爲右補闕起居舍人言左右起居注

當隨宰相侍天子紀言動錄付吏官詔可而執政

尋以機密事不可露罷之遷翰林學士戶部侍郎

時蜀饑請以本道闕官職田賑貧民再爲尙書左

丞卒贈吏部尙書敬休恬淡多容不邇聲色弟簡

休亦至工部侍郎

明

白

威字令儀幼篤學舉洪

武壬午鄉試授西解

州衛學教諭勤訓廸日與

諸生講解經義初邑少

嗜學至是由其教而登仕

目者遂得二人時值歲

旱民多流殍惻然曰古云

富而教今民困教將

安施卽疏

以數事

時一廟以

得

奏嘉其

知治

授邑知縣

憲吏

史...色立朝權威不...

シノ后事

景文質者率三百餘人詣

闕墾乞復邑行之賜

里費乘傳還治子宗領

西鄉試登進士

曹

銘字克修別號古菴永

樂甲午舉人戊戌進士

授香河知縣奏十事其一

論從祀荀况性惡材預

短喪尙列祀典而宋儒胡

瑗楊時尹焞羅仲素李

侗蔡沈胡安國真德秀有

功道學羽翼六經尤當

崇祀以振儒風從之先是

香河多中官家人依勢

侵佔民田銘立憲諸法田

歸於民會入覲中官矯

之豹房三日獸不爲害上聞之旣出銘中官
一譴焉尋陞判順天府又陞知儋州約已裕民
清節大著詔旌勉之祀鄉賢

徐

茂字景芳景泰庚午舉人天順丁丑進士擢監

察御史奉勅整理邊防巡按淮陽再按京畿貪墨
不職者望風解印綬去歷道九載拾遺補過激濁
揚清人稱得體陞山西叅議祀鄉賢

喬

生質醇厚長益方潔舉洪治辛酉鄉

試亞魁授德府推官嚴明一恕陞知定州嚴收

隱地以均貧乏酌贖銀市牛種招給流散復業尸

有再生喬父之謠建正學書院贈給書生倡郡士
夫爭贖金建里鎮社學四十餘所選師分教童蒙
創修陂堰利數百餘家名其堤曰喬公堤嘗出行
道見一馬伏車前如叩訴狀隨馬得屍立辨寔質
之寃死人驚爲神在郡八年盜賊屏息民爲立生
祠璽書褒獎爲直隸清官第一名陞都督府經歷
叅贊機務以善謀稱後補韓府左長史又能以禮
義感化驕王引年致仕祀鄉賢

劉良卿字一夔人品魁梧氣槩軒豁正德丙子舉人
嘉靖丙戌進士授知江都縣政績茂著民有去思
補阜城縣擢監察御史巡察陝西再按南畿憲績
爲時嘉美陞淮安知府剖斷明決人咸以神稱之
及休致林下置先師廟祭器崇禮典以爲學校先
文章有藻思鬯達明爽類其爲人祀鄉賢

蕭麟字正甫父聰教以經學舉洪治甲子鄉試任
高郵訓導轉定州學正陞鹽城知縣制行端謹蒞
政廉能孝友之風尤孚於鄉黨旣卒人猶稱之

鄉賢

蕭體元麟子正德乙卯舉人已未進士授刑部主事累官陝西行太僕寺卿敷歷中外咸有政聲養高勇退優游林下卒祀鄉賢

馬化龍隆慶庚午舉人萬歷丁丑進士任長治縣清廉仁恕陞嘉興同知淮安知府歷官天津道祀鄉賢

馬之麒字康莊化龍之子萬歷丙午舉人丁未進士庚戌殿試第一甲二名經筵進講功著教沃戊午典

試三楚所拔皆知名之士天啟朝抗懷孽宦獨標
忠清歷三朝官禮部左侍郎榮祭葬祀鄉賢

馮之駿字九達化龍次子萬歷己酉舉人庚戌進士
殿試二甲任戶部主事博洽典籍詩文行世疏請
賑邊績著軍民歷官戶部郎中祀鄉賢

潘林字大梁姿秉淳朴少有器局精於吏事任寧
夏衛經歷委理邊計多著能聲陞蒲州同知與守
同心每叅公議從容進說有益於民而後已攝隰

與解皆治卒於官士民會哭爲立祠輿論推爲

更偉人今祀鄉賢

李復初字念先萬歷癸酉舉人任鄖陽府推官
遊繫親心卽解綬歸里闢地百畝中植花木娛老
林下四十年口不置孝友二字會大饑人相食
所積粟給鄉族全活者甚衆沒之日遠近流涕
祀鄉賢

黃芬萬歷丁酉舉人戊戌進士任太谷知縣祀鄉
賢

陶鴻儒字雲鶴萬曆甲午孝廉中萬歷辛丑進士初

任山西長治多善政宜民邑人爲立生祠歷遷松江知府問民疾苦興利剔弊百姓愛如父母又培植學校講課不輟擇其文有體式者刊爲雲間鳳毛以正文體一時登科甲者甚衆及致仕歸父老遮道流涕擁車馬不得行著有攀轅錄祀鄉賢

楊威正統十一年應例入太學任華陰知縣爲人剛正心切愛民作興士類去任之日民泣送之爲立生祠月推重今祀鄉賢

張苜字延齡由庠生入太學以風節自勵任內

精正不阿邑有河改率衆下邳石殺洪流煮藥禦暑役者益奮而其功速成以治行擢知交河時流寇肆屠掠獨相戒莫敢犯以憂歸補安東值邑饑捐俸賑濟全活甚衆訟者數言立決其治獄務在求生未嘗妄殺一人父瓚嘗以忠厚訓苴人稱其作述云祀鄉賢

梁 震襲榆林指揮歷遷延綏副總嘗敗吉囊於黃浦川嘉靖十四年錄戰功進右都督尋遷左都督震好讀兵書善訓士身經百十餘戰未嘗少挫及

卒贈太子太保明史稱其有古良將風事詳明史
列傳內見藝文

孝義

漢

李善字次孫本李元蒼頭元家俱疫死惟孤兒續
始生數旬諸奴婢欲殺續分其資善傷李氏而力
不能制乃潛負續逃隱山陽瑕邱界中親自哺養
乳爲生連續雖在孩抱奉之不異長者閭里感其

續字次孫修義及續長奉繼續業曰奴婢於縣悉

黜黜之時鍾離意爲瑕邱令上書薦之此後
善及續並爲舍人善顯宗時辟公府以能遷
遷日南太守從京師之官道經清陽過李元家乃
脫公服持鉏去草拜哭甚悲身自炊爨執鼎俎以
修祭祀垂泣曰君夫人善在此今祀鄉賢嗣

鄧

彪字智伯禹之族也父邳以功封郾侯彪少勵

志修孝行父卒讓國於異母弟荆鳳明帝高其節
許之後仕州郡辟公府五遷桂陽太守入爲太尉
在位清白爲百僚式和帝卽位進太傅錄尚書賜

爵關內侯

南北朝

庚黔婁字子貞徵士易之子天性醇厚事親至孝未嘗失色於人仕齊編令有異政先是縣多猛獸黔婁至皆隱去爲孱陵令未旬忽心痛舉身流汗卽以棄官歸省父果遘疾始二日醫云欲知瘥劇但

嘗糞甜苦父泄痢黔婁輒取嘗之味轉甜滑心愈憂苦毋夕稽顙北辰求以身代弟於陵博學有

歷官黃門侍郎肩吾爲常侍黔婁今祀鄉賢祠

有牙

應

子震字彥文不喜笑謔性仁厚居父母喪家貧傭
書營蒸至手指穿裂涅陽劉虬嘉其孝作孝子傳
子與字孝卿性至孝仕梁爲尙書郎丁母憂哀至
輒嘔血父域沒於蜀哀慟將絕者再奉喪還巴東
有灑瀨石最險其次則瞿塘時秋水猶壯子與乃
撫心長號其夕水驟退行人爲之語曰灑瀨如幞
本不通瞿塘水返爲庾公初發蜀有雙鳩巢舟中
及葬又巢廬側每聞子與哭泣必翔鳴而激切廬
墓服闋手足枯瘁待人而起叔該慰勉之仕官至

巴陵內史雖以嫡長襲爵國秩盡推諸弟今祀鄉
賢祠

璩

運字承業晉尙書令廣之八世孫祖文素齊南

郡守父拘梁義陽郡守運少好學涉獵經史而不
持章句年十五而江陵滅隨例遷長安事母及寡
嫂並贖免被籍親屬以孝義聞性方直未嘗求媚

於人後周天和初起家夏州總管府倉曹叅軍

露門學士萬年縣令抑挫豪右

後犯顏屢諫對太子中人之狀

之喪論數赦陳人失宣帝怒欲殺之以廷巖救得
免入隋爲鄭譯所譖左遷涇陽令轉高堂令所著
有諫苑文帝覽而嘉焉

明

齊 雲淇治壬子舉人任汶上訓導與諸生講解經
義寒暑不輟往往推本於孝弟忠信諄諄勵人敦
實行士習爲之變亦多顯者擢令邯鄲復補嘉祥
遷判延安同知臨洮再補嘉興所至能其官清白
一節尤以風化爲務嘉靖改元引年乞歸詔以四

品服致仕少失母事父及繼母曲盡誠謹祀鄉賢
曹燧萬歷丙午舉人庚戌進士歷仕工部侍郎詔
旌孝行祀鄉賢

喬隆監生備之子幼穎敏好讀書史精於醫知縣
熊宣署爲醫學訓科活人甚衆愛親敬長出於自
然教育二侄璣璋皆以孝稱凡里中貧人及商旅
無所歸者每施棺與地塋之行義重於鄉里卒年
八十有四

劉灌字大器資稟俊雅器量恢洪年十一選入邑

辛補廩生事親極孝勤學不輟寒暑德三年當

貢以郭蒲年老讓之人高其義後應五年貢以親
老乞就養得選商州訓導教人多方師道丕振陞
環教諭致仕歸養今祀鄉賢祠子鳳韶亦以孝稱
高維斗天啟例貢任府軍後衛經歷性孝友撫孤姪
成立賑饑禦寇績著里閭知縣呂開科薦舉之

徐仲顯茂之孫天性孝友繼母曹卒廬墓三年悲哀
如一日知縣陳世祿扁其廬曰孝子廬後知縣吳
謨又請爲鄉飲大賓

齊 珂邑庠生性純篤事親至孝繼母孟歿廬墓三年哀毀骨立有司以聞督學嘉獎

劉鳳韶字汝成邑庠生性至孝父名瓘不忍犯其諱因改所用瓦罐曰土倉家人悉從之不致復稱罐父沒鬻產營塋母孀居色養唯謹及母沒廬墓三年滋味不入口毀瘠變常署縣郡丞王廷獻親詣其門送孝行卓異旌扁師生亦贈扁曰闡揚順德道院交獎

曹首翼邑庠生性純朴家貧事親曲盡孝道母李病

諒無虞卽有不測兒當作伴耳及母卒哀慟欲絕
既葬結廬墓旁朝夕哭奠時方幼年繼娶未幾終
喪不近比出廬猶依依不忍離

喬

璣監生儁孫成化二十一年應例入太學授歸

州吏目少有至性事父母極誠謹父卒與弟璋號
泣不勝哀毀幾滅性及葬廬墓三年有白兔芝草
之瑞有司奏聞勅賜旌表題曰兄弟孝子祀鄉賢
喬璋洪治十一年貢生性篤孝與兄璣同廬墓詔

賜旌表子庠生崙亦廬父墓世以孝聞祀鄉賢

周官庠生以孝聞邑文學朱大顯銘其墓

劉繼漢庠生五世同居子孫皆能以孝友相勉其敦睦之風鄉黨悉爲所化

李純白庠生崇正五年娶張存女爲妾女人門泣訴母死家貧父年衰邁迫於逋負白爲愴然問聘貲足償否云尙欠六金白卽時送女歸家令其贅壻養父復贈六金償債鄉黨義之

陳四喜邑之後庄人遇父病篤泣禱於天割股肉進之父初不知也病愈母言其事始抱子號哭鄉人聞於邑令扁其門旌之並蠲徭役

樊輔周縣北樊家集人父早亡遺母劉氏輔少孤而家貧母病篤藥醫不效輔至夜半焚香告天引刀割肉烹進之母病立愈族黨聞之僉曰是子之孝未嘗學問天性然也

田洽育其父病不愈洽心不安割股烹進父食病愈鄰人聞於邑令扁旌曰能事父免其徭役

吳 貴性好善父早亡遇母病劇割股默進母食立
愈且道不拾遺廣行善事人咸稱道有傳見藝文
林汝楫邑庠生能孝友少而勤學與昆仲均勞逸母
病晝夜問視及母歿哀毀骨立而卒有傳見藝文

載舊

志

齊 超字遐舉歲貢生孝友性成母陶氏卒號泣彌

旬孺慕之誠閭里哀之時超方弱齡也後事繼母
胡一如陶氏因痛謂異母弟曰豈無他人不如同
毀願終身友於無貽父母泉下憂適家申落慷慨

自勵廉介之操至老益嚴邑人咸敬慕焉

劉 望字明玉拔貢生事父母以孝聞弟弱父母尤
憐之望體此意情好益篤後弟及婚備物盡禮事
事豐裕以慰父母家幾破不顧也尤邃經術長古
文辭及其秉鐸洧川德行文章分科教士洧之人
士至今思之

陶華春字灼三庠生明進士松江太守鴻儒曾孫天
性孝友母齊氏患癱症春憂瘠骨立衣不解帶雖
晝夜呼無不立應事兄仝春愛敬交致老而彌篤

族黨中婚嫁喪祭無力者必推所有以周之中丞
雅爾圖以心存惻隱表其間

白 昭字燦然歲貢生家極貧與弟各分產二十餘
畝弟病臥床褥索債者環門昭恐弟知鬻已產以
償之及弟故而昭之產亦空矣知縣董榕匾以旌
之昭悽然不自安其孝友殆天性云

趙 玠邑庠生性孝友父病歷數月玠侍湯藥衣不
解帶父卒號痛幾絕長兄雙瞽玠盡以祖業付之
兄不事產業家漸破玠仍與兄合居奉養無愠色

無以介賓

懿行

坊

徐 威貢生字德重性醇篤動止語默悉由矩度爲
學不間寒暑初任固城訓導陞平定州學正轉秦
府教授所至皆有賢聲及致仕歸教誨子孫化及
鄉黨邑中皆稱徐夫子云

謝汝賢威弟子也以明經終志意高遠持已端嚴時
人稱爲大賢其流風餘韻至今人猶景慕不置云

張、節性淳朴持身高潔二兄皆功名士節博覽群書不求仕進與人寡合終日閉戶危坐衣食不足恬如也鄉人評其自幼至老未嘗出一妄言行一不義知縣吳承恩禮賓鄉飲卒八十有二

張華性淳篤行高潔少習舉子業不售乃就掾階善書法不苟取辦事吏部却餽金天官卿大異之命書清吏張華四字揭部門示勸於後仕固城縣丞

國朝

魯士毅字遠公邑增廣生操行端方有至性父早卒

李祖母定省鄰閭撫孤徑如已出曰人生樂事
在斯矣後絕意仕進設教里閭間一時從遊之
雲集其門尤精書法求者無虛日前令董德
學耆英表其閭

楊泰年監生字宗岱故進士楊景煌之孫少孤與母
平氏相依爲命坎壈萬狀幾至不保然性謙退與
人無町畦禮賢接士濟貧周急無虛日由是橫逆
者咸感愧而退撫軍雅爾圖給天性仁厚匾額以
旌之

樊 璉字天章邑庠生性孝友與人無跣跣行嘗擇地建家廟數楹率族衆歲時致祭以爲常尤好讀古書竟年手不釋卷邑北膠庠士多出其門

聶天眷字祖望邑增廣生非公事足跡不入城生平以成就後學爲己任就里中設一館竟年與從遊之士咕嚕其中美鬚髯善飲醉後輒讀書以自娛鄉黨間無論識與不識咸呼爲聶先生云

佳方曙字震白故御史焦榮之孫父延祉任貴筑令李於官囊中蕭然羈黔南二十餘載方曙備履艱

苦扶觀歸里後建屋數椽終日危坐無事不出戶
庭撫軍雅爾圖給匾以表其善焉

楊明昭字子彰閩營左都督楊正第五子也正奉

命討台灣病篤昭聞信晝夜兼程及至父故昭服闋還
新每歲時祭哀痛迫切終日不能食尤精岐黃
有延之者雖風雨必往而不受其值其品誼有足
重者乾隆十九年鄉飲

張君祥字清瑞邑廩生都督僉事張旻子也其先

著奉

命屯田於新新於閩去數千里有故舊來者旻家貧資
助無術祥窺父志多方備物以承其意母嘗患瘧
症歲餘侍湯藥不解帶居喪哀毀至嘔血家產任
兄弟自取無難色著有愧不如物書以勵世其芳
行洵可風焉

李興宗故鄉耆也家貧傭工以養其母朝夕無少缺
奉孀嫂撫孤侄同居六十載無異言目不識書
孝友出於性成洵爲罕觀

馬祖澤字次眉邑庠生故禮部侍郎馬之騏曾孫

恬淡無意梁氣鍵戶危坐官吏希識其面目有接
之者如坐春風中雖忤意終不以疾言遽色加之
一時稱爲長者

徐優祥鄉耆也生員徐登陞之叔兄早逝祥竭力營
運與孀嫂孤侄同居五十餘載無間言後侄入庠
舍祥悽然曰可以報吾兄於地下矣性儻儻有依
氣家門內偶有參商輒包以大度付之一笑而已
嘗拾遺金於道卒覓原主歸之里人咸重其行焉
徐秉彝字爾公本邑車灣人與諸弟共敦義行所居

密邇官道爲南北通衢地素窪下兩驟集行旅望
而却步有車折馬仆者秉彛慨然捐高田爲路俾
就康莊以通行人鄉黨義之

文學

漢

注

丹字子玉世傳孟氏易東漢王莽時辟世不仕

授徒數百人建武初徵爲博士累遷大鴻臚嘗作

易通論七篇學義研深易象宗之稱爲大儒祀

賢

原书缺页

志

庾季才字叔英域之族幼穎悟八歲誦尚書十二通
易好占元象事梁湘東王繹引授外兵叅軍累遷
中書郎領太史開皇元年授通直散騎常侍帝將
遷都夜與高穎定議季才旦奏臣仰觀元象俯察
圖記龜兆允襲必有遷都願陛下爲速徙計帝愕
然曰是何神也封宜昌縣伯所著有靈臺秘苑垂
象志地形志行於世

隋書卷之五十四 卷之五十四 後 通聘 殿 絕倫 博覽 羣書
尤善春秋左氏傳身長八尺勝帶十圍容止頎然
有邁人者起身湘東國常侍轉安南叅軍與東海

徐陵文並綺麗世號徐庾體累遷通直散騎常侍
聘於東魏還領建康令尋封武康縣侯加散騎常
侍聘於周遂留長安歷官驃騎大將軍進爵義城
侯俄拜洛州刺史徵授同宗中大夫文人惟王褒
頗相得雖位望通顯常有鄉關之思乃作哀江南
賦以致其意云大業初以疾卒子立嗣傳見藝文

志

庚季才字叔英域之族幼穎悟八歲誦尚書十二通
易好占元象事梁湘東王繹引授外兵叅軍累遷
中書郎領太史開皇元年授通直散騎常侍帝將
遷都夜與高穎定議季才且奏臣仰觀元象俯察
圖記龜兆允襲必有遷都願陛下爲遠徙計帝愕
然曰是何神也封宜昌縣伯所著有靈臺秘苑垂
象志地形志行於世

一聰字貴訓本泰和人少負俊才有逸思以訪兄
至新野留而授徒適督學使者按部校文得庠生
老與之詰其所學生以實對曰誦師蕭某所改授
者卽召至與語大悅之遂令占籍補邑庠生成化
丙午以書經領河南鄉薦庚戌授內黃教諭與諸
生辨析經義端習操軌士風浸變洪治乙未解官
南奔母喪襄事復來遂爲新野著姓子麟舉鄉試
孫體元第進士所有壁經註解夢醒錄藏於家其
書心矩行孚式邦閭卒年八十四族孫柯亦端嚴

博學連不得志於有司嘗獻策本兵以忠信化三
巢鉅盜著有靖寇稿化殘錄九經正義等書著行
於世寓新教授三年至今門人有山斗之仰云

載舊志

國朝

石价卿邑增廣生生有異稟自少沉酣經籍能識大
意凡異端誕妄之學屏絕弗好數竒不偶而聲望
傾一邑邑之知名士多出其門既歿之嗣門人楊
景煌馬沆升等歲時祭其墓以爲常其行誼德範

可想見矣

梁維極字子錫孝廉梁門出之三子登戊午經筵文名著兩河性嚴毅雖暗室中不敢苟且歷任洛陽陳州學博一時學者慶爲蘇胡復出所著詩文風格大都在秦漢間至今猶膾炙人口

李青字山子邑庠生嗜古讀奇書嘗遊湖湘間有所感卽以詩歌傳之中年落拓不得志築室葭山絃誦不輟著有詩集藏於家

歸璣字在璞歲貢生潛心經史能窺其奧立教以

端本爲先文藝次之每取古人成跡分列條約爲
諸生勸學者仰之若山斗焉秉鐸郊縣課士無異
於桑梓致仕南歸諸生留之不得有泣下者

鄧紹禹字漢卿歲貢生高密侯裔性嗜書尤樂成就
後學設義塾村中有來學者輒盡心誨之而不索
其貲膠庠士多出其門後歷任商水永寧司訓造
就庠士如居鄉焉

隱逸

光新野人字子陵少與光武光武即公

乃變姓名隱身不見帝思其賢以物色訪其所獲

備安車元纁遣使聘之三反而後至帝卽日幸其

館光臥不起帝卽臥所撫其腹曰咄咄子陵獨不

可相助爲理耶光張目熟視曰昔唐堯著德巢由

洗耳士固有志何忍相迫乎帝嘆息而去復引光

入論道故舊因共偃臥光以足加帝腹明日太史

奏客星犯帝座甚急帝笑曰朕故人子陵共臥耳

除爲諫議大夫不屈乃耕於富春山按舊志載

光爲餘姚人今考嚴光碣及任延傳光本姓莊新野人避徙會稽

南北朝

庾 易字幼簡性恬靜不交外物以文義自娛臨川王薦之餉麥百斛不受安西長史袁誠欽其風贈以鹿角書格蚌盤蚌研並詩曰白日清明青雲遼亮昔聞巢許今睹臺尙易以連理几竹翹書格報之建武三年徵爲司空主簿不就子孫之盛衣冠

莫比

庚 訖字並 實易同宗幼聰慧篤學經史百氏無不
該綜而性託義簡特愛林泉十畝之宅山池居坐
蔬食布衣不修產業梁普通中徵爲黃門侍郎不
起卒謚貞節處士

明

陳 松字晚翠六合其別號也七歲舉神童十一歲
補弟子員有穎思遇異人挈入山中數十日方出
卽棄舉子業徃徃自放爲詩逾豪字亦遒勁凡琳
宮梵剎亭堠壁障徃徃多所題識其題順德府郵

新豐縣志 卷之五
亭壁間有山色三分猶白晝鍾聲十里已黃昏之
句至今猶膾炙人口云

里俠

明

楊 澤性輕利年荒民饑施粟二百石助賑前令陳
世祿扁其門曰仗義

杜存仁兩因年荒各輸穀二百石助賑前令陳世祿
歐世祿先後旌扁曰仗義之家

曹天祐銘孫施城北路灣地一區爲義塚

者素有尙義風嘗出外見有餓殍遂令家人掩之因施南義塚地一區前令孫明善嘉之

節婦烈女

漢

新野節義長公主名元光武姊也適新野鄧晨光武兵敗於小長安單騎走與公主遇趣令上馬主攜曰行矣不能相救無爲爾沒也會追兵至主及三女皆遇害光武卽位詔謚節義立廟新野縣西廟久毀無考

荀氏邑人陰瑜妻名采潁州司空爽女性聰敏有才
藝年十九瑜卒無子時同郡郭奕喪偶爽以采許
之采懷刃自誓爽奪其刃逼令登車不得已乃至
郭氏多建炬燈正談竟夕奕不敢犯令左右辦浴
既入屋掩戶以粉書扉曰屍還陰氏遂自縊死

明

張氏李端妻清之女年十六歸端生子四歲而寡
母舅姑憐而諷之改適氏終不從

劉氏杜榮妻才與次女年二十適榮生一子

養舅姑撫遺子完節無玷

喬氏劉子謙妻儁女年二十五而寡安貧撫孤存節
改適者輒呵叱之

于氏陳海妻知州秉之孫女年二十而夫卒撫遺孤
孝事舅姑誓不嫁

周氏黃子達妻斌之女年十九適子達生子甫七日
而寡守節至老

曹氏張洪妻隆之女年二十四而寡養舅姑撫二幼
子至老不二

喬氏楊笙妻隆之女年十九適笙生子三歲而笙卒
撫育遺孤孝事姑嫜守節終身

薛氏陳景妻唐興之女年十八而寡撫遺孤守節至
老

張氏趙文表妻年十八夫卒遺孤甫三月哀痛幾絕
自縊從之

吳氏王鶚妻方啟之女年二十八而寡遺孤甫八月
善事舅姑存嗣續終身無玷

劉氏庠生康忠恕妻宣之女年十八適忠恕生子甫

二歲而寡貞潔自勵以立於老前令陳世祿申請
建坊旌表

宋氏龐璇妻賢之女年二十四而寡遺孤綬甫三歲
守節五十六卒年八十前令陳世祿吳承恩親詣
弔祭扁旌慈節

王氏郭玉妻年十八適玉生子景華甫二歲玉卒撫
孤成立又早卒孫震方在遺腹氏先後鞠二孤節
如金石人以爲有李令伯祖母之風前令陳世祿

吳承恩給扁

范氏馬廷銳妻夫卒自縊

劉氏呂綬妻適綬五年而寡抗節十有八載而卒有人言改適者輒面赤避弗與言

王氏廩生李澄妻省祭銓之女歸澄九年澄久病王事之極誠嘗許與同死澄食則食澄不食則不食澄卒撫棺號泣三日復跪柩前告曰我服以日代年今制滿當踐前言卽夜自縊於喪側人覺解之得不死乃絕口不食生母泣勸之不從凡餓二十七日而絕時年二十九邑人咸垂泣生師往弔前

張氏周時盛妻常州府別駕李重女生二子
氏年二十一歲苦節自守以誨二子足跡不
庭長子官以孝稱壽八十卒

張氏馬一變妻明崇正九年氏二十五歲夫婦俱被
寇執氏給賊曰汝放吾夫卽從汝賊信之氏度夫
去遠托造飯入厨舉火起烟賊不能入自縊死遺
子未週歲賊憐其節草中搜出老婦與之金將氏
子交與撫養而去

郝氏女崇正九年女甫及笄遇闖寇破城執令上馬
女大罵不從賊欲殺之女曰吾寧就死安肯從賊
辱吾父母遂被害女父天倉山西人娶於新野云
陳氏常憲妻崇正九年寇至被執雜衆婦中驅逐而
去已而復過其門熟視曰此其死所矣乃大罵遂
遇害

黃氏生員馬鳴遠妻崇正九年寇至氏以病不能逃
着平生衣坐中庭寇入欲牽其手氏罵賊曰吾頭
可斷手不可汚也一寇提刀至氏曰汝不殺我我

當殺汝遂遇害鳴遠收葬畢穴氏墓旁結茅以居
人多義之

夏氏生員鄭綱妻夏太和女崇正十一年避寇舟中
寇逼近舟恐爲所執遂投水中子女遶岸號哭不
顧竟溺死

李氏生員齊毓泰妻崇正十五年闖寇破城執氏欲
驅之去不從惟求速死賊愈迫之罵不絕口遂死
刃下葬白河西岸

曹氏儒童薛一儒妻年二十三孀居守節七十七卒

王氏王畿繼妻生一子旌甫八歲而夫卒年二十六
勵志紡績撫嫡男四與已子無異視旌補弟子員
早亡遺一孫氏又撫之年八十四卒

杜氏陳守仕妻年二十而寡家貧日事紡績誨二子
各就一業季子生孫玉書爲邑庠生氏年九十八
無病而逝

王氏孝廉曹煒繼室生員王褒之女煒病革前妻遺
有四子命氏留妾官氏各撫二子煒卒氏年二十
四所無一子遇難被擄其一官撫二子

之... 孫氏又...
... 欲奪其志乃執刀截髮
... 卒時年九十如一日焉

袁氏生員朱鼎隆妻庠生袁樂孟女也年二十三而
夫卒遺子三歲遭繼姑之虐氏志愈堅紡績撫孤
年七十四卒

陳氏生員熊夢祥妻祥卒氏年二十五撫子文蔚弱
冠游泮未幾而亡氏子然無依冰霜自勵五十餘

載

曹氏薛慥妻年二十五守節歷四十餘載

李氏高維漢妻生員允登母也明天啟丙寅夫故登甫四歲有姑八旬事姑撫子歷五十餘載卒年九十

蕭氏庠生張岱妻萬歷中奉勅 旌表

趙氏陶應祥妻貢士趙恬女年十九夫卒遺女未週歲氏誓同夫死號哭絕食七日死而復甦姑泣勸之曰若撫遺女爲吾兒存一綫骨血不猶愈於死乎冰蘖自甘者二十餘年卒

劉氏貢生李勝梓妻能讀書通經史大義崇正十年
寇猝至氏被執厲聲罵賊賊刃之去氣猶未絕以
指蘸血書人生自古誰無死留取丹心照汗青
語於衣襟上遂死

李氏庠生陶爾鎔妻邑宦李復初女也崇正中闖寇
至境氏被執時年十九賊百計迫脅拒之愈堅罵
不絕口遂遇害邑人張星輝買棺殮焉

國朝

喬氏孝廉梁門出側室也年十七歸孝廉十一載而

寡哀毀誓死以子幼隱忍稱未亡人茶苦自甘治
家嚴肅撫孤俱嶄然頭角次子維極以戊午舉鄉
試二名晚年諸子爲列音樂稱壽氏泣下止之年
八十四而卒

鄭氏庠生馬天蔭妻廩生鄭綱女年十七而蔭卒生
一女甫週歲翁姑憐其幼勸之改嫁氏引刀斷髮
獨居小樓終歲不與人一面紡績奉翁姑年七十
九終與蔭合兆栢發一枝交柯互葉如鳳尾狀僉
曰此天之所以旌節也

陳氏邑庠生王文郁妻生子者治未週歲而夫卒氏年十九痛不欲生舅姑勸止之乃截髮自誓以奉舅姑足不窺戶數十年及舅姑歿盡哀盡禮節而能孝氏其有焉

廖氏賈全仁妻遇夫病家貧歲歉氏紡績供湯藥苦不勝言迨夫益病篤誓與俱死未幾夫卒氏年二十一涕泣營葬畢舅姑欲改嫁期已定氏預於夜半投繯自縊有傳見藝文

周氏于顯名妻遇姑病思食肉時亢旱屠禁氏割股

進母食之大愈後氏仆臥姑問其故不對又問泣
不應再三詢究其夫曰母前食肉兒媳肉也其母
抱媳大哭鄰里賢之

張氏女縣北冀家灣張應瑞女也天性純孝繼母陳
氏久病在床時氏年十四值父他往母欲肉食女
默祝天地割左股烹之母病立愈後女面容黃瘦
人莫解越數月陳氏知之抱女痛哭愛愈已生

載舊
志

曹氏邑庠生鄭宗宏妻歸鄭氏生子脉延甫二月夫

故氏絕粒號痛欲殉氏大翁嘉祚年七十餘涕泣
謂氏曰宜勉育弱孫爲鄭氏宗祀計氏乃強食遂
以竭孝養恤孤兒爲已任霜晨雪夜百苦不回督
子脉延勵志詩書有聲諸生間

雍正十一年奉
旨建坊旌表

鄭氏鄧大慶之妻年十九爲鄧氏婦二載夫故子作
寡生四月氏爲宗祀計不敢以身殉繼姑馬氏欲
奪其志氏矢死靡他姑亦中感更相和睦氏晨夜
誦經佐子讀書後果入庠舍母而兼父氏不愧矣

張氏張英女于歸韓錫章生子發祥未週歲錫章

既歿氏投繯自殉姑覺苦勸乃已遂矢栢舟以絕

他議有以輕塵弱草諷者輒唾其面後翁姑相繼

歿氏號哭仆地傷右臂子發祥痛母苦志向學著

名成均人媿氏謂女中程嬰云

雍正十三年奉旨建坊入祠

平氏監生楊泰年之生母也泰年祖楊景煌以進士

任廣西上林令卒於官泰年父瑄隨任亦故是時

泰年在襁褓中氏痛曰母弱子幼家門之禍不遠

矣吾死誰與爲理遂矢冰操搬翁柩回籍家道中

落氏極力維持先業賴以不墜至今楊氏稱望族

乾隆元年奉

旨建坊入祠

陳氏張雲章妻結褵二載夫故氏年二十一無所出
姑憐之欲令再醮氏托言祭夫墓痛哭自縊嬸母
王氏覺而救之氏不得已操井曰勤紡績督幼叔

雲偉讀書成名人競稱之

乾隆二年奉
旨建坊入祠

魯氏儒童徐有林妻生員徐登陞之母也生子方二
歲夫故氏年二十二姑蕭氏久病床褥兩叔幼氏

有湯藥晝夜不敢離姑歿懸櫬室中忽驚回祿氏

號泣祝天火息櫬無恙謂孝心所感不虛也後子

姪皆授室成名

乾隆三年奉
旨建坊入祠

喬門三節喬聚秀之妻陳氏年二十而寡育孤甘貧
志矢栢舟姑病親嘗湯藥不暫離數十年艱苦備
嘗節操凜若冰霜其姪婦廖氏者千秋妻也年十
四於歸六載夫亡孤方六月有勸之嫁者痛詈之
率姑一如陳氏又邑庠生喬如崱之母閻氏亦陳
氏之姪千常妻也千常亡閻二十四崱方五月氏
剪髮毀容以絕他議紡績奉姑延師教子年六十

而終孤孀相繼道路垂憐三節一門前此罕觀

乾隆

四年均蒙建

坊旌表

高氏邑庠高嶼女年十七適儒童趙篤明結褵六載

夫故稱未亡人力紡績奉公姑教孤兒備嘗苦辛

姑病常籲天自代及歿營葬事悉如禮後兩叔受

室成人子熙哲弱冠有聲庠序賢婦教育之功實

人所難

乾隆八年建坊旌表

馮氏樊恬之妻府學生樊毅任母也年十九賦桃夭

二載夫歿毅任方彌月姑鮑氏老而病家貧

親操機杼易薪餌奉姑育子儂嘗艱辛

表入祠

宋氏魯士任妻邑庠生魯詩母也結褵五載生詩方
二歲夫故氏年二十四奉養以孝聞及翁姑歿竭
力辦理殯葬悉合禮教子成名白首完節乾隆八
年建坊入祠

史氏儒童張又繹妻生員張殿元母也于歸五載生
子方二歲夫亡氏年二十二事姑孝教子有義方
姑歿竭力營葬哀慟感閭里貞白之節四十年如

一日 乾隆八年奉
旨建坊入祠

張氏王曰緒妻于歸三載生子光遠彌月夫故氏年
二十四歲家貧親老竭力供菽水不給則典簪珥
以佐之畧無芥帶意未幾翁姑歿一切殯葬之具
皆氏力作所易者展轉消磨而氏亦老矣 乾隆八
年奉

旨建坊
入祠

劉門雙節杜氏者鄉民杜世英女劉深妻也年十六
於歸三載生子元善彌月而夫故姑喬氏桑榆殘
年久病臥床褥氏忍死奉姑而家世貧菽水

氏與弟婦張黽勉勤劬姑無失養子獲成立氏
劉洵之妻張氏鄉民張桂女也夫故時氏年十七
子元樂方週歲旣而姑喬氏以天年終妯娌相哭
曰劉門不幸兄弟繼亡今姑又見背延先脉成後
嗣我二人任也徒死何益於是冰茶共矢始終不

渝鄉人難之

乾隆十六年奉
旨建坊旌表

陳氏邑人郭玉瑞之妻於歸二年翁故貧不克備禮
因浮葬焉越三載生子宏宙方週歲夫又寢疾將
革呼氏執手以守節勉之氏跪泣明志及夫歿未

新野縣志 卷之五
殮氏剪髮納夫懷中曰死者有知以此爲質自是
茹荼飲水勤苦萬狀家道漸豐子亦成立耐翁概
於先人之側設祭痛哭其夫曰吾幸成夫志卜吉
塋翁九泉其有知乎親戚多歎傷謂氏不惟能撫
夫之孤且成夫之孝也子宏宙勤學勵行母教居

多前令力爲詳請

乾隆 年奉
旨建坊旌表

鄭氏庠生鄭成文之女鄉民齊士連妻也年二十適
士連結褵六載夫歿生子方數月叔強奪嫂志臣

建坊旌表 年二十三載祖繼田畝叔盡

氏妻風苦雨晝夜紡績遺子就傅歸則命子進
旁燃燭讀書夜闌方止以故子瑜遂成名儒其蔭

節如此

乾隆十五年
建坊旌表

魯氏儒童董之屏妻邑人魯士健女也于歸二載而
寡並未生育誓在投繯從夫於地下其父母以大
義喻之曰汝死節固宜痛汝夫終爲無後之鬼有
胞侄可取爲嗣汝婦節固無忝也氏乃強進飲食
撫胞侄德裕爲子義方訓教不啻嚴父獨養其姑
克盡孝道雖夫之兄弟迺不迨焉

乾隆
建坊

年詳請
旌表

樊氏孺童鮑擢用妻生員樊璉之女年十七于歸六
載而夫故氏呼天號泣絕而復甦者再其姑諭曰
汝與俱亡兩孫其何倚乎氏乃強存節操踰冰霜
姑久病侍湯藥朝夕不忍離及翁姑相繼歿營塋
祭無失禮教二子俱入庠序鮑氏書香藉以不墜

乾隆十八年奉

旨建坊旌表

黃氏鄉民黃超之女喬爾楷妻也夫故氏栢舟白
凜不可犯於康熙五十一年十月初一日有惡棍
喬折強梁行欺二婦身被數刀而惡棍

難逃未及百里雷震身斃氏由是名動邑人

烈女貢生楊景昭之女許聘於孟津訓導邑人陶
非君之子敬元爲妻敬元隨父之孟津以病故女
閉戶自縊母遣侍女破牖救之女絕飲食十
有七日而死

齊氏杜思賢之妻鄉民齊逢太室女年二十二於
八月夫故氏撫前妻三歲兒矢死不嫁公姑及舅
夫婦先後歿氏力營四喪艱苦百端年六十有
其子鄉愚不能自達閭里恰之公舉附志以彰

節

馮氏馮祥之女賈鴻傲妻也子歸二載夫歿越次日始生遺腹子賈文元訓教成立今補邑博士弟子氏年二十三苦志守節二十八載

孫氏楊春榮之妻生一子夫故氏年二十七家赤貧忍死撫孤冀延天嗣以憂痛過甚於乾隆九年病歿臨死謂其兄曰我不負吾夫不辱吾父死亦何憾爾者悲之

孫氏重康太之妻邑人匡際太室女年十六于歸

三十四年

張氏陳州沈邱人也時歲饑沈邑率鬻人爲食有鬻
戶方小者聞沈邑荒甚挾貲往詭言娶室而女貧
已三日不食矣遂墮術中及女抵方家方小欲令
作倚門態女立意畢命而方亦防維甚密女遂絕
飲食七日邑衆義之葬齊家崗東一里許

左氏故庠生陳顯登之妻于歸未一載夫亡氏年一
十念繼姑無所養氏紡績供事不少缺姑歿盡髮

粧奩爲喪葬之具氏無所依撫三歲侄爲夫嗣孫
成人而天氏年六十有三艱苦備嘗

樊氏李明業妻邑庠樊廷魁妹也年十八歸明業
一載夫亾公姑憐其年幼苦節取二門大業次子
棟爲嗣氏色養公姑二十餘年無怠容氏足跡不
出門戶

曹氏樊居正妻也賦桃夭未兩歲夫亾父母翁姑
意曰爾夫亾無出當自裁氏焚香誓曰我不足從

地下者以前李氏所遺長子二歲次子

撫之以延夫脉且公姑老奉慕年者何人耶氏
截髮自矢五十年如一日焉

劉氏明御史良卿之五世孫女樊居林婦也年十六
于歸夫死氏年二十四止一女勸改醮者氏唾其
面閉戶苦守雖家人亦罕見之今年五十七與其
嫂曹氏人稱爲一門雙節 乾隆十年前令給匾

喬氏樊維岑妻年十八適岑生子秉桓甫三歲而夫
歿氏年二十五堅志苦守以養老撫孤爲已任後
秉桓授室生孫燦少而能文氏德所貽也年八十

一
楊氏現年七十四矣爲樊怡妻邑庠國治母夫卒時
氏年二十三苦志守節日勤紡績止奉姑孀生羣
盡禮下撫藐孤刻勵成名至今國治有聲士林

王門五節故生員王肇基開基建基施兄弟也皆以
早年亡肇基婦路氏年二十八今六十有九開基
婦杜氏年二十五今六十有六建基婦張氏係生
員張翹女年二十六守節至六十四卒是三婦者

霜人入錄目厥後路氏長子誠娶婦張氏

身之孑爲糶子未滿月書則乞乳而食乳則抱乳
祇天靈前年三十九卒杜氏之子餽娶婦鄭氏年
二十七卽稱未亾人苦節二十餘年未嘗見齒前
後五節家之不幸門之光也

劉氏生員劉正世之女訂婚於生員楊振之子宣芳
未成婚宣芳痛父歿嘔血亡女聞之欲從夫地下
而父母防範嚴女閉戶不與諸姊妹同歡笑未期
而亾夫家憐其節烈昇棺與芳合葬棺未至芳之

墓門忽裂著有待鄉人競往觀之果然

樊氏曹繩武妻也武亾氏年二十二遺孤炯方二週
氏欲從死翁姑泣語曰我老孫幼而家貧汝死悉
爲泉下人矣氏感動強起及炯成立娶邑庠王宁
之女年十九不四年而炯卒遺孤層德僅週歲氏
念祖姑二老七旬有餘層德幼小三世一脉泣諭
祖姑以止過慟雖強顏歡娛而形消神瘁卽於炯
亾之年冬卒一門雙節前令給匾旌之

李氏儒童白珩之妻結禱四載夫故氏年二十五子

士傑在襁褓中家素貧際此益困不可支氏慷慨
自勵茹苦三十一年卒

馬氏邑民喬盛妻也家貧織蓆爲食嘗數日不火並
無怨言夫亾氏年四十八子女俱無營葬畢族久
欲奪其志氏知之不旬日投水死

馮氏生員馮良驥之女年十八適生員鄭大宗之子
修已甫四載而夫亾氏年二十一取夫胞弟次子
爲嗣家業凋零氏苦志堅守四十餘年督學王
國棟給匾旌獎

樊氏儒童李榮祖妻也年二十七夫亡遺二子芳蕙
方在襁褓中未幾公姑又相繼歿氏哭哭無依慘
不忍言氏乃典粧奩營葬祭晝則操井曰以營生
夜則勤紡績以課讀二十年如一日後子芳果成
名

趙氏喬森妻年二十餘森故子椿培未
壯氏聖志苦勞及椿培成立年十八遊泮娶邑
名

又

又

徐痛哭良久卽於是夕遙拜姑趙氏自縊死
林氏生員張文在之母夫故氏年二十三歲矢志
舟勤於治家嚴以教子每朔望命子書數日功課
告夫之靈子感而篤學少年入邑庠砥行礪節
有父風

孟氏儒童樊秉文結髮妻也年二十而夫歿有子僅
二歲氏含苦忍痛不敢悲號恐傷翁姑心翁姑哭
其子遣孫戲於旁以慰解之子稍長訓曰汝不存
利己心不作分外事雖終身農圃亦何憾乎爲子

授室教以勤儉持家翁姑歿氏營塋畢徬徨仰視
謂子若婦曰我今可從汝父於泉下矣子婦抱持
痛哭延至戚勸解乃已氏門衰祚薄家道寒微五
十年苦節不啻金石

沈氏鄉民蘇經之妻家極貧僅有宅旁地二畝以種
蔬生理氏年二十五歲而夫故遺子幼稚晝則拾
薪夜則紡績並日而食無他志親戚勸之曰汝年
尚少若改志從人爲終身衣食計不愈於忍饑待
斃乎氏泣下曰婦人守節不在富貴貧賤卽饑

命也誓死不從苦節垂四十年因積勞致疑
子頗知孝養以傭工所獲供飲食亦苦節之
郭氏儒童樊居簡之妻年二十七而寡無子踰數月
翁姑欲爲氏謀繼嗣而未稔其志使妯娌輩微探
之氏泣曰死爲分內事不過遲早間耳他非吾志
也翁姑知其能甘心苦節者多方諭解取長門次
子爲嗣氏冰茶自礪於嗣子雖愛如已出而督責
甚嚴勤儉持家由是家道駸可其子亦重厚有德
劉氏邑民劉國太室女魯士章妻也章娶氏方月餘

身染瘋症形容更變大非平日姑恐氏心不憚以
好言撫之氏曰此吾命也其於夫一飲一食必親
手經理曲盡苦心夫故氏痛哭曰吾夫生不在成
人之列死又作無後鬼乎遂取胞侄魯詹爲嗣其
子成立氏曰承祧有人吾夫於今不死矣事公姑
歿附身附棺者悉竭力爲之又建修橋梁成夫未
竟之志今氏墓前之木已拱里人溯其苦節泣猶
潸然下也

趙氏生員張南圖之妻趙喜宏女也年十七子

二十二歲一子方襁褓氏矢志

痼症終身不痊氏湯藥必親嘗日夜

十年如一日而伯翁乏嗣衰老復以痼疾委
不得聞氏奉飲食始終無怠意至一弟兩妹端方
娶里人重之謂巾幗鬚眉氏或不愧焉

處士王翰之妻生員喬維世室女也於歸一載
子者輔未週歲夫故姑又衰老病風痰常臥床
氏方十九歲堅志栢舟始終不懈姑病篤焚香

願以身代姑常泣告人曰喬雖吾媳真吾兒

也三 稱長訓誨嚴切卓然成立見稱鄉黨間氏歿
年七十有五苦節五十六年里之人稔其行者方
為公舉焉

郭氏 清之妻郭定楚室女也年十六於歸未幾長

孀 媳相繼病故其夫又染沉疴哭謂氏以繼

姪 育諸姪為嗣夫歿氏年二十二歲哀楚幾絕

晝夜 續艱苦萬狀為子侄授室教以勤儉持家

凡田 者悉為取贖黃氏子孫不

年七十一

妻年十六於歸繼姑白氏性嚴

甚

女產大半爲女資氏勸夫書參無

色姑

狂疾一日忽以利刃切氏幾瀕於死

愈加孝養姑病稍差隣親以告抱氏痛哭遂成瘵
豫年二十七夫卒絕不欲生以姑老子切泣與
死指茶飲水者四十餘載生事死葬盡禮盡哀
遇若順宗黨難之

楊氏

居仁妻楊玉真女國學生翟璉之母年十九

二十六夫卒幾投繯以殉隣媪覺解有孤年

甫四齡氏上事孀姑下撫幼子冰蘖自甘苦節三十五年

氏周履祥妻子歸五載夫以病卒氏年僅二十姑老子幼門衰祚薄紡織奉姑猶糠自屨姑沒哀痛幾絕百計營墓荼苦六十年撫二子世洪世相皆成立

邑西河北鎮庠生徐尙忠妻草場村趙丕承女年十八子歸二十六夫卒遺子聖言洪功俱幼

織事姑和熊教子伶仃孤苦備極艱辛

七十二歲子早年遊庠序有文名咸謂苦節之報
趙氏葛潛修妻年二十三而寡撫子養姑苦節終
馬齊氏鵝兒湖處士馬允壽妻年十七適馬門九載
夫逝僅遺一孤睿方六月家貧翁姑欲改適氏絕
粒數日幾斃因憐其志慰遂之氏泣曰氏死翁姑
誰侍孤兒誰托於是晨紡織夜訓子恩勤孝養備
極苦心冰霜五十餘載

方外

漢

陰長生和帝皇后之曾祖也少薄富貴潛居隱身專好道術聞馬明生得度世法乃入諸名山求之至太和山中得與相見執弟子禮積二十年一日明生問其所欲跪曰惟期長生耳明生乃使人青城內煮黃土爲金入武當山石室中令生先服半劑後又委之入忠州平都山修煉服丹白日飛昇因其得長生法故名長生

梁

法聰八歲出家至襄陽華蓋山白馬泉築室以棲

晉安王造其室告以境內虎災聰卽入定須臾十
七大虎至命弟子以布繩繫頸而去自是害息所
至夜放光明不假燈燭年九十二端然而化

鄧郁之字元亮新野人漢太傅禹之後隱居不仕西
遊太華遇老人授以金丹火符之術遂辟穀南嶽
紫蓋峰日就澗水服雲母末少許一日魏夫人降
于室教以飛昇屆期白鶴來迎遂跨鶴上昇時梁
武帝天監十四年十二月三十日也

晉朝

醉 迷國初人戒律精嚴而好讀古書工詩賦或數
日不食言未至事毫髮不爽吳逆之變邑人方大
恐迷曰彼逆天命於某月某日卽當殞滅已而果
如其言後杖錫遨遊莫知所終

流寓

魏

乳

嵩字仲山南陽人徙居新野之阿里街家貧爲
人傭卒初嘗與山陽范式同游太學及式爲荊州
刺史行部到新野縣選嵩爲導騎迎式式驚曰子

非孔仲山耶懷道隱身尙處卒伍不亦惜乎嵩曰
侯羸長守於賤業晨門肆志於抱關貧者士之常
豈爲鄙哉式勅縣除其役嵩以先備未竟不肯去
後辟公車之京師盜竊其馬尋知嵩馬乃相讓曰
孔仲山善士豈宜侵盜送馬謝之官至南海太守

國朝

鮑遐齡浙江山陰人監生任陝西興安州州牧解組
後奉母寓新野孝聲頗聞於外爲士大夫所推重
精書法而人亦雅韻脫俗傳曰與周公瑾交如飲

醇醪鮑公有焉

周和梅江南吳縣人忠毅公周宗建之曾孫祖周騰
避閹禍冒張姓匿名湖海間後爲南陽別駕周氏
之家新野始諸此和梅痛先業凋零隱居河干苦
志向學士大夫推重之

新野縣志卷之六

新野縣知縣常山徐金位纂修

賦役志

賦役之制莫善於禹貢周官亦莫詳於禹貢周官後世更制紛紛民日以困今用條編之法夏秋分徵既簡便而不煩復緩急之有序猶得古人用一緩二遺意新邑土瘠民貧地糧商稅自有正供而塗當孔道阜華馳遞其差遣供應亦守土者所宜加意也

版籍

按舊志明洪武二十四年戶八百四十七口五千六

十四永樂十年戶增八百五十二口增七千二百

二十八宣德七年戶增九百六十四口增九千四

百四十

正統景泰
天順年佚

成化十八年戶增一千六百三

十三日增二萬五千三十五

弘治正德
歷年佚

嘉靖元年

戶增一千九百八口增三萬四百

十一年二十一年
三十一年

同 四十一年戶增二千八十八口 二萬七千七

百六十五隆慶六年戶增二千九十一

軍戶二百
四十匠戶

四 口增二萬七千八百六十三今按明季舊額戶

丁一萬七千七百四十五丁額徵銀三千四百九十六兩七錢二分

國朝順治十五年冊載戶丁七千八百五十二丁徵銀九百四十一兩三錢順治十六年至康熙三十四年冊載戶丁遞增至一萬三千三百九十二丁徵銀一千八百四十八兩一錢一分

按舊志洪武二十四年官民田地六百九十五頃二十五畝八分

宣德正統數同

成化十八年墾增七百二十

七頃二十畝九分洪治十五年墾增一千五百十

四頃三十二畝八分嘉靖十二年奉例丈地均糧
凡四千八百二十頃六十九畝今按明季舊額三
則地一萬六百三十五頃七十二畝四分九釐內
除唐府王庄地七頃零五畝實在地一萬六百二
十八頃六十七畝四分九釐

國朝順治十五年冊籍熟地二千九百八十頃八十六
畝九分七釐四毫 上地四百四十八頃九十一

畝九分六釐六毫

每畝派正供雜辦並加增中地
九釐共銀二分三釐五毫

一千三百三十三頃九十一畝九分八釐

每畝派
正供雜

辦並加增九釐共銀

二分六毫四絲三忽下地一千一百九十九頃三

畝二釐八毫

每畝派正供雜辦並加增九釐共銀一分九釐四毫七絲九忽六纖四沙

七座三

埃一渺三則熟地徵銀六千一百四十二兩一錢

六釐三毫八絲八忽本年丁地二項共徵銀七千

八十三兩四錢六釐三毫八絲八忽內除紳衿優

免本身丁徭銀一百二十兩一錢實徵銀六千九

百六十三兩三錢六釐三毫八絲八忽內起運京

邊折色銀四千八十一兩三錢四分五釐三毫六

絲六忽起運本色并改折銀一百八十六兩五錢

四分七釐六毫存留各上司并本縣官俸衙役工

食河夫驛站支發賓興等項共銀一千六百七十

八兩六分三釐二毫二絲二忽裁剩并裁扣改解

戶部共銀四百三十兩六錢一釐六毫裁扣優免

解部充餉銀五百八十六兩七錢四分八釐六毫

順治十六年至康熙五十年冊載熟地墾增至六

千三百五十八頃三十四畝二分七釐五毫四絲

上地七百六十五頃四十五畝五分二釐四毫六

絲每畝派正供雜辦並加增九釐共銀二分四釐六毫三絲中地二千一百四

十三頃五十六畝一分三釐二絲

每畝派正供雜辨並加增九釐

共銀二分一釐六毫三絲

下地三千四百五十頃三十二畝六

分二釐六絲

每畝派正供雜辨並加增九釐共銀二分四毫一絲

三則熟地

徵銀一萬三千五百六十六兩八錢二分九毫丁

地二項共徵銀一萬五千五百八十九兩六分九

毫紳衿優免本身丁糧銀二百五十九兩八錢二

分二釐四毫起運折色銀一萬二千六百七十七

兩二錢六分五釐六毫起運本色銀一百八十二

兩四錢二分八釐九毫一絲三忽

存留各上

卷之六
司並本縣官俸衙役工食河夫驛站支發賓興等
項共銀二千五百三十四兩五錢五分二釐六毫
六絲一微

按稅糧舊志載洪武二十四年夏稅麥一千七百四
十七石一斗九升七合稅絲九百八十一兩一錢
五分三釐秋糧米三千九百五十二石五升七合
草五千三百二十一束有奇桑絲綿二百九十二
兩有奇棗易米五十一石七斗七升有奇歷水樂
正統景泰天順遞有稍增至成化十八年夏稅麥

一千八百八十石二斗五升七合有奇稅絲一千
一百三十七兩二錢有奇秋糧米四千一十九石
二斗五升三合有奇草七千三百二十束桑絲綿
二百九十八兩六錢有奇棗易米五十二石八斗
二升歷洪治正德畧同至嘉靖十二年夏稅如故
而桑絲綿改折京庫絹一十四疋二丈八尺有奇
秋糧稍增而草減七分之二棗米加一斗二十六
年轉奉部咨加派甲丁二庫顏料糧銀四十二兩
七錢四分有奇迨四十二年夏稅麥減一千五百

八十石七斗二升有奇絲絹如故秋糧米增四千七百二十九石六斗六合有奇草減五千三百一

十九東有奇棗米如故循規起八存二共計起運

京邊腹裏倉庫麥一千三百六十六石六斗米三千一百

石存留司府縣學倉儲祿俸麥五百一十三石六斗三升七

合有奇米七百二十石五斗八升六合有奇今夏

稅增嘉靖同成化計起麥一千三百五十石有奇

存留麥五百三十石有奇近奉本司坐派每石連

絲絹折色徵銀九錢一分四釐一毫有奇共銀一

寺七百一十八兩八錢五分一釐有奇秋糧並糶
成化嘉靖之數計起米三千六百石存留米三百
八十石五斗八升六合有奇近奉本司坐派每石
遵草顏料折色徵銀一兩二錢一分五釐有奇

易米如數存留府縣學倉每石徵銀八錢五分

按今

本縣夏稅秋糧二項
俟支一條徵銀解支

按舊志載陂堰租銀六百二

十三兩二錢四分六釐

今按本縣於陂租地徵銀
六十兩六錢零解布政司

按均徭舊志載銀力二差以丁一糧三四分一條編

通融均派

明萬歷元年奉文審丁上上丁三千二百一每
丁徵銀三錢上中丁九百一十八每丁徵銀二
錢七分上下丁八百三十一每丁徵銀二錢四
分中上丁一千二百每丁二錢中中丁一千四
百二十一每丁一錢七分中下丁一千一百二
十五每丁一錢四分下上丁七百一十二每丁
一錢下中丁一千一百五十四每丁七分下下
丁一千四十四每丁四分通計共銀二千二百
四十兩四錢一分以充均徭四分之一其三分

計畝編派

共徵銀八千六百二十兩九錢有奇閩加四百二十八兩三錢七分輪編府學丁祭另派四十五兩銀差歲用

先師廟二祭四十兩啟聖祠五兩宦賢祠四兩山川壇十八兩社稷壇十二兩邑厲壇三祭十五兩光皇昭烈八蜡一祭各四兩儒學齋夫七十二兩閩加六兩膳夫三十二兩閩加三兩鄉飲二次十四兩王府民厨二十四兩閩加二兩

科場八兩二錢八分坊牌二十五兩歲貢二十
兩公費會銀九百六十兩京班柴薪皂隸八名
共九十六兩閩加八兩馬夫三十兩縣柴薪皂
隸七名共八十四兩閩加七兩馬夫三名共一
百二十兩湍陽驛館夫七百七兩二錢五分驛
公費九十二兩二錢五分未入驛五兩一錢二
分六釐解京胖襖六十四副共九十六兩小鹿
四兩解司料價二百兩磚料九兩八錢九分八
釐京匠衣裝二十三兩四錢府第十七兩三釐

九釐河夫四百四十七兩科場二十兩修理府
堂六房八兩修城三十五兩

力差歲用

府倉斗級一名十二兩閏加一兩縣預備倉斗
級收糧一名十四兩四錢閏加一兩二錢看倉
四名每名八兩共三十二兩閏加二兩六錢六
分七釐三司門子五名每名七兩二錢共三十
六兩閏加三兩新派府學門子二名每名七兩
二錢共十四兩四錢閏加一兩二錢門子直堂

二名管糧巡捕廳各一名每名七兩二錢共二
十八兩八錢閏加二兩四錢儒學庫子一名十
兩閏加八錢三分三釐三齋門子三名每名七
兩二錢共二十一兩六錢閏加一兩八錢分守
道皂隸一名十兩閏加八錢三分三釐更夫一
名七兩二錢閏加六錢府皂隸八名每名八兩
共六十四兩閏加五兩三錢三分二釐走遞馬
三十五疋每疋十八兩共六百二十兩閏加五
十一兩五錢馬義勇四十名每名十六兩共六

百四十兩閏加五十三兩三錢三分三釐三毫
馬民壯五十名每名十六兩共八百兩閏加六
十六兩六錢六分六釐六毫步民壯八十一名
每名七兩二錢共五百八十三兩二錢閏加四
十八兩內加三十六名共二百五十九兩二錢
郎院軍前皂隸二十八名每名七兩二錢共二
百一兩六錢閏加十六兩八錢長夫皂隸三十
名每名七兩二錢共二百一十六兩閏加十八
兩遞運所轎夫四十名每名七兩二錢共二百

表里果示 卷之六
八十八兩閏加二十八兩八錢禁子八名每名
十八兩共一百零八兩閏加七兩渡夫十名每
名三兩六錢共三十六兩閏加三兩舖司舖兵
六十四名每名六兩三錢共四百一十六兩閏
加三十四兩六錢六分六釐二絲四忽

原有額外荒田共地十六頃一十七畝五分除補徵
顏科等項不派外每畝派銀三分七釐四毫七絲
共派銀六十兩六錢七釐七毫三絲

國朝順治十六年收併明唐藩南陽衛原額並無人丁

亦無額徵徭銀故歸併新野無憑註丁止入原額

地一十九頃五畝原額銀五十九兩五錢五分七

釐二絲四忽三微六沙一塵八埃三渺一漠內奉

旨除荒地十四頃八十一畝荒銀四十六兩八錢七釐

一毫五絲三忽九微八纖四沙五塵九埃八渺五

漠見種熟地四頃二十四畝下金地十五畝每畝

六分三釐四毫銀地一頃四十二畝每畝派銀四分六釐五毫一絲銅地

六十七畝每畝派銀三分九釐五毫八絲鐵地二頃每畝派銀一

二絲四色熟地共派銀一十二兩九錢二分四釐四

毫九絲三忽七微二纖三沙四塵八埃一渺起運

折色銀一十二兩八錢二分四釐四毫九絲三忽

七微二纖三沙四塵八埃一渺起運本色銀一錢

又順治十八年收併明唐藩護儀二衛司至康熙三

十四年見在人丁遞增至六百六十九丁應徵丁

銀六十兩二錢六分原歸併本縣額地九百一十

頃五畝九分每畝止徵麥米糧一升二合共派麥

米糧一千九十二石七升八勺原無額銀比照南

陽縣地萬歷年間則例起科每畝加增九釐共該

銀八百一十九兩五分三釐一毫內除荒蕪地一百九十二頃八十五畝九分六毫

順治十八年至康熙五十年新舊墾增共地八百一頃五十三畝五分八釐二毫照依南陽縣上下

金銀銅鐵五色則例每畝金地十畝九分每畝

七分四毫二絲六忽下金地二十七畝八十九畝六分四釐

五毫每畝瓜銀五分二釐八忽銀地二百一十頃二十五

畝二分六釐每畝瓜銀三分八忽銅地二百九十八

頃四畝三分九釐七毫每畝瓜銀二分四釐五絲四忽鐵地二

百六十五頃二分九釐八毫

每畝派銀一分四釐

一毫共派銀二兩六錢二分六釐九毫一

絲可地二項共二千一百六十兩九錢八釐

九毫一絲內除免本身丁徭銀十兩一錢

九分實徵銀二兩五十九兩七錢一分八釐

九毫一絲

載志

現在民丁數目

崇禎萬一千三百九十四丁康熙五十二年奉

續增丁口八百一十八口永不加賦

現在護衛二司軍丁數目

共一千三百二十四丁康熙五十二年奉

旨盛世滋生戶口人丁二百三十九口永不加賦

南陽衛無丁

以上二項共丁二萬二千七百一十八口除五千五十七丁永不加賦外餘一萬七千六百六十一

丁照例輸將

以上載舊志

今遵照雍正四年十二月內 巡撫田

題准

部覆就一邑之丁糧均攤於本邑地糧之內無論紳衿富戶不分等則一例輸將

按每地糧銀一兩該攤丁銀一錢三分二釐五毫四絲四忽六微七纖八沙五塵七埃一渺五漠

原額匠價銀二十三兩四錢三分八釐八毫八絲又遵照乾隆三年十二月內

題准

部覆就一邑之匠價均派於本邑地糧之內無論紳衿富戶不分等則一例輸將

按每地糧銀一兩該攤派匠價銀一釐三毫七絲四忽四微六纖二沙六塵九埃七渺三漠

原額民地數目

原額三則共地一萬六百三十五頃七十二畝四分九釐

原額併收回唐府共銀一萬三千一百三十八兩八錢二毫四絲九微七纖三沙五塵九埃又萬曆年間每畝加增九釐派銀九千五百七十二兩一錢五分二釐四毫一絲

二項共原額銀二萬二千七百十兩九錢五分二釐六毫五絲九微七纖三沙五塵九埃

遇閏加額銀五百十五兩八錢五分六毫八絲六忽三微

原額併收回唐府共

上地一千七十二頃三十五畝五分每畝照依賦役則例派銀二分四釐六毫三絲五忽八纖四沙一塵六埃七渺

該銀二千六百四十一兩七錢五分五釐五毫六

絲八忽一微九纖三沙三塵

遇閏加額銀六十兩四釐一毫六絲一忽三微
每畝照依賦役則例派銀五毫五絲九忽五微
五纖五沙一塵

中地四千四百四十五頃七十二畝四分九釐每畝
照依賦役則例派銀二分一釐六毫三絲八忽七
微八纖五沙一塵八埃四渺

該銀九千六百二十兩八釐六毫九忽八微二纖
五沙九塵八埃八渺

遇閏加額銀二百十八兩五錢六釐四毫五忽
每畝照依賦役則例派銀四毫九絲一忽四微
九纖七沙八塵一埃

下地五千一百一十七頃六十四畝五分每畝照依
賦役則例派銀二分四毫一絲七忽九微六纖二
沙七塵一渺五漠

該銀一萬四百四十九兩一錢八分八釐四毫七
絲二忽九微五纖七沙二塵七埃二渺

遇閏加額銀二百三十七兩三錢四分一毫二

絲每畝照依賦役則例派銀四釐六毫三絲
微六纖八沙二塵四埃

順治三年正月內 巡按甯 具題奉

旨免荒

荒地數目

上地三百二頃五畝七分七釐五毫四絲

中地二千一百四十二頃十三畝四分六釐五毫八

絲

下地一千三百五十四頃六十三畝七釐一毫四絲

以上共除荒地三千七百九十八頃八十二畝
三分一釐二毫六絲

乾隆元年九月內 撫部院富 具題奉

旨豁免沙蓋河崩地二十八頃一十四畝三分八釐

乾隆七年五月內 撫部院雅 具題奉

旨豁免沙蓋河崩地十八頃二十七畝四分

以上除荒並豁免共地三千八百四十五頃二
十四畝九釐二毫六絲

共除豁免銀八千四百三十三兩一錢一分二釐

六毫三絲七忽二微七纖六沙一塵六埃

現種行糧共熟地六千七百九十頃四十八畝三分九釐七毫四絲內除

康熙八年起至雍正十年止勸墾並自首共地二千四百三十七頃三十六畝二分六釐四毫二絲內分

上地一百三十二頃三釐四毫六毫每畝照依賦役則例派銀二分五釐一毫九絲四忽六微三纖九沙一塵六埃七渺

該派銀三百三十二兩五錢七分七釐九毫五絲
中地五百四十七頃五十畝五分九釐八毫二絲每
畝照依賦役則例派銀二分二釐一毫三絲二微
八纖一沙九塵九埃四渺

該派銀一千三百十一兩六錢四分六釐一毫五
絲

地一千七百五十七頃八十五畝三分二釐每畝
照依賦役則例派銀二分八毫八絲一忽七微三
纖九塵九埃一渺五漠二漠

該派銀三千六百七十兩七錢七毫

以上連閏實徵共銀五千二百十四兩九錢二分
八毫

補徵銀七兩三錢一分二釐

一項共銀五千二百二十二兩二錢三分六釐八毫
用充兵餉

攤派丁銀六百九十二兩一錢七分九釐七毫

攤派匠價銀七兩一錢七分七釐八毫

以上丁地並匠價共銀五千九百二十一兩五

錢九分四釐三毫

實在應徵起存倉口共熟地四千三百五十三頃十
二畝一分三釐三毫 絲內分

上地六百三十八頃二十九畝三分七釐八毫六絲
每畝照依賦役則例派銀二分五釐一毫九絲四
忽六微三纖九沙一塵七埃七渺

該派銀一千六百八兩一錢五分三釐一毫

中地一千七百九頃六十六畝六分四釐六毫每畝
照依賦役則例派銀二分二釐一毫三絲二微八

織二沙九塵九埃四渺

該派銀三千七百八十三兩四錢八分四釐六毫
下地二千五頃十六畝一分八毫六絲每畝照依賦
役則例派銀二分八毫八絲一忽七微三織九塵
四埃一渺五漠二漠

該派銀四千一百八十七兩一錢二分三釐二毫
以上三色熟地連閏共派銀九千五百七十八
兩七錢六分五釐九毫內除存留項下襍辦銀
二百五十八兩二錢四釐四毫另行扣解

攤派丁銀一千二百七十一兩三錢四分五釐五毫

攤派匠價銀十三兩一錢八分三釐六毫八絲

可地二項並匠價共銀一萬八百六十三兩二錢九分五釐八絲

又奉 部文外補徵鉛銅耗米價銀十三兩五分九釐二毫三絲七忽五微九纖八沙照依本年行糧熟地不分等則每畝均派銀二絲五忽九微九纖九沙七塵九渺六漠三灰

原有額外蒸田共地十六頃十七畝五分全燕除補
徵顏料等項不派外每畝止派銀三分七釐四毫
七絲

共派銀六十六兩七錢七毫三絲

攤派丁銀八兩三分三釐一毫

攤派匠價銀八分三釐三毫

二項共銀六十八兩七錢二分四釐一毫三絲

一收護儀二衛司

原歸並本縣額地九百十頃五畝九分每畝止派麥

米糧一升二合共派麥米一千九十三石七升八合

原無額銀比照南陽縣地萬歷年間則例起科每畝加增九釐共銀八百一十九兩五分三釐一毫內
順治三年正月內 巡撫寧 具題奉

旨免荒

除荒地數目七十頃六十五畝八分

除荒銀無

乾隆元年九月內 撫部院富 具題奉

書豁免沙葢河崩銅地五十三畝

豁免銀一兩三錢六釐五毫

以上除荒並豁免共地七十一頃十八畝八分
除豁免銀一兩三錢六釐五毫

見種成熟地八百三十八頃八十七畝一分內分

上金地十畝九分每畝照依賦役則例派銀七分四
毫二絲六忽二微八纖九沙二塵二埃三渺

該派銀七錢六分七釐六毫五絲

下金地二十七頃八十九畝六分四釐五毫每畝照

依賦役則例派銀五分二釐八毫二絲八忽三纖
三沙六塵六埃二渺

該派銀一百四十七兩三錢七分一釐四毫六絲
銀地二百十頃二十五畝二分六釐每畝照依賦役
則例派銀三分八釐七毫五絲六忽八纖二沙六
塵三埃八渺

該派銀八百十四兩八錢五分六釐七毫

銅地三百三十五頃三十七畝九分九釐七毫每畝

照依賦役則例派銀二分四釐六毫五絲八忽六

織四沙五塵七埃九渺

該派銀八百二十六兩七錢四分七毫

鐵地二百六十五頃二十三畝二分九釐八毫每畝
照依賦役則例派銀一分四釐三毫五忽二微一
纖八沙五塵九渺

該派銀三百七十四兩一錢一分六釐九毫

以上五色熟地共派銀二千一百六十三兩八
錢五分三釐四毫一絲內有紳衿停免雜辦銀
七錢五分另行扣解

攤派丁銀二百八十六兩八錢七釐三毫

攤派匠價銀二兩九錢七分四釐一毫

三項共銀二千四百五十三兩六錢三分四釐八毫

一絲

一收回南陽衛

原額地十九頃五畝

順治三年正月內 巡撫寧 具題奉

旨免荒

除荒蕪地十四頃二十九畝

現種成熟地四頃七十六畝內分

下金地十五畝每畝照依賦役則例派銀六分三釐
六毫五絲一忽二微九纖八沙八埃六渺八漠

該派銀九錢五分四釐七毫六絲九忽四微七纖
一沙三塵二渺

銀地一頃四十二畝每畝照依賦役則例派銀四分
六釐六毫九絲六忽三微二纖三沙八塵四埃七
渺三漠

該派銀六兩六錢三分八毫七絲七忽九微八纖

六沙三塵一埃六渺八漠

銅地一頃十九畝每畝照依賦役則例派銀二分九釐七毫一忽二微六纖六沙九塵二埃八渺

該派銀三兩五錢三分四釐四毫八絲四忽八微八纖四沙一塵七埃六渺

鐵地二頃每畝照依賦役則例派銀一分六釐九毫九絲五忽六纖九塵九埃六渺

該派銀三兩三錢九分九釐一絲二忽一微九纖八沙一塵二埃

以上四色熟地連閩共派銀十四兩五錢一分
九釐一毫四絲四忽五微三纖九沙九塵一埃
四渺八漠

攤派丁銀一兩九錢二分四釐四毫

攤派匠價銀二分

丁地三項連閩共實徵銀十六兩四錢六分三釐五
毫四絲四忽五微三纖九沙九塵一埃四渺八漠
以上民衛丁地通共實徵起存本折扣解停免
並補徵等項連閩共銀一萬九千三百三十六

兩七錢七分一釐一毫二忽一微三纖七沙九塵一埃四渺八漠

解司銀兩數目

實該解 司民衛丁地及顏料連聞等項共銀一萬零二千三百九十六兩九分六釐八毫九絲二忽一微三纖七沙九塵一埃四渺八漠

解糧驛道河道 部用銀兩數目

每歲遇閏共解銀三百六十三兩七錢八分七釐

四絲

每歲解 府通判皂隸並經歷司馬夫工食連閏
銀十三兩

存縣雜支銀兩數目

驛站項下裁解糧道銀一千一百六十二兩五錢六
分九釐五毫驛所夫馬並草料每歲連閏共支銀
三千六百五十五兩三錢四分六釐五毫

官俸役食等項每歲共支銀一千二百四十一兩四
錢二分八釐九毫三絲

修理

文廟並鄉飲二會及採買黑鉛並水脚共銀九十二兩
八錢五分七釐一毫

聖廟春秋二祭並

關帝廟及各壇祠祭祀共銀一百八兩七錢三分六釐
一毫四絲

本縣教諭 訓導二員每歲俸食共銀二百五十一
兩五錢二分四釐四毫

本縣典史一員每歲俸食共銀五十一兩四錢二八

四釐六毫

以上解支共銀一萬九千三百三十六兩七錢七分一釐一毫二忽零

耗羨銀兩並解支數目

每歲共徵銀二千九百兩五錢一分五釐六毫

本縣養廉銀一千二百兩公費銀二百兩

典史養廉銀八十兩

解司耗羨銀一千四百二十兩五錢零

鹽課

按課程舊志載戶口鹽鈔四萬一百一十貫每貫折

銀三釐凡銀一百二十兩三錢三分半本司類解
京庫半解本府原以戶計徵每丁錢十二文明隆
慶五年奉文同站糧帶徵寄庄不與

按本縣食河東鹽舊額歲銷二千一百引順治十三
年奉文按丁加增二千一十二引順治十六年奉
文減八百六引每歲額銷三千三百六引分四季
繳銷每季徵銷引八百二十七引

商稅

原額徵雜稅銀八十九兩八錢一分八釐自雍正五

年首報盈餘增添稅銀四百三十一兩二錢四分
總計雜稅銀共五百三十六兩五分八釐

驛遞

湍陽驛舊在縣東南玉皇廟故址正統三年定西侯
徵麓川奏請設官四年知縣孫宗富創署今不存

按舊志載書手三名厨役五名庫子四名煎茶一名
月支王食書手八錢餘各六錢並過客饋廩本縣
徃編館夫庫子銀充用而稍佐以盧氏縣歲濟五
兩七錢五分該驛紙劄并備僱偵守等務本縣徃

編公費銀充用而稍佐以盧氏縣歲濟七錢五分
馬夫站銀本縣額糧帶徵而稍益以旁縣協濟之
數馬六十五匹每匹銀五十兩

初存上馬四匹中馬各二匹驢二十七頭

浙川桐栢羅山息縣協濟有差隆慶初議更今

制每匹銀四十五兩協濟銀解至均六十五匹

外又有浙江市戶南馬十二匹馬夫十二名與

漢馬三輪差後以浙省協濟稽期議

漢馬三輪差後以浙省協濟稽期議
漢馬三輪差後以浙省協濟稽期議
漢馬三輪差後以浙省協濟稽期議

兩每歲解至隨多寡而均給之然名爲六十五匹而馬戶養馬有三四人朋當一馬者則各養一馬蓋路衝役繁非三四倍不給也

馬夫六十五名每名歲給工食正銀三十五兩有差加增銀十兩遇閏又加四兩一錢六分遇覲又加四兩其永充馬一匹馬夫一名則與六十五人輪差而不給工食

國朝順治十三年定額馬三十一匹

舊額銀二千九百六十八兩五錢九分九釐五

毫今徵銀五百九十二兩二分二毫撫院亢

題奉

勅諭撥補銀一千二百九十一兩七錢六分九釐三毫

本縣原編湍陽驛馬五匹騾六頭

舊額工食共銀八百八十兩

又協濟馬二匹

舊額工食銀一百九十四兩八錢七分九釐五

毫二項今徵銀二百三十一兩四分五釐四毫

遇閏加額銀八十九兩五錢七分三釐二毫

莫

賦役

全書

掣回羅山縣協濟馬三匹

舊額工食銀三百四十二兩今徵銀七十三兩
五錢一分二釐九毫遇閏加額銀二十八兩五

錢

載全書

掣回信陽州協濟馬二匹

舊額工食銀二百三十兩今徵銀四十九兩四
錢三分八釐五毫遇閏加額銀一十九兩一

六分六釐七毫

載全書

本縣走遞馬三十二匹

工食草料舊額共銀五百七十五兩今徵銀一

百二十三兩八錢一分一釐二毫遇閏加額銀

四十八兩

載全書

奉

文歸驛

南召縣協濟馬站

舊額銀一百九兩徵銀五兩五錢六分一毫

唐縣協濟馬站

舊額銀二十五兩一錢二分今徵銀四兩九錢

七分三釐七毫

鄧州協濟馬站

舊額銀六百一十一兩六錢今徵銀一百三兩
六錢七分八釐四毫 欽奉

勅諭撥補馬站

銀一千二百七十九兩三錢八分八釐二毫

又撥全書額載跟官夫

舊額工食銀五十七兩六錢今徵銀一十二兩
三錢八分一釐一毫遇閏加額銀四兩八錢

滹陽驛館夫

舊額銀五百四十九兩八錢九分一釐四毫今
徵銀一百九十四兩九錢一分四釐六毫四忽
本縣協濟館夫

舊額銀一十一兩六錢六釐

又奉 文掣回信陽州改派館夫

銀一十兩三錢九分四釐共銀二十二兩今徵
銀四兩七錢二分八釐九毫

載全書

遂平縣協濟

舊額銀二兩九錢今徵銀四錢七分一釐二毫

臨穎縣協濟

舊額銀五百五十兩今徵銀一百八十六兩九錢三分三釐九毫四忽

裕州協濟

舊額銀十兩七錢六分一釐四毫今徵銀六錢四分五釐七毫

舞陽縣協濟

舊額銀九兩二錢三分今徵銀二兩一錢三分四釐九毫

賦役
卷下

遞運所

舊在縣西北建修同湍陽驛至成化二十一年
都御史趙文奏請設官創署今已傾圮無存

按舊志書手二名隨官看監十四名撥喚牌子二名
月支工食每名六錢並物用等費

每歲黃傘二柄青傘四柄銀七兩二錢小轎二
乘銀八兩毡四條銀五兩使馬直葛秣銀二十
八兩公座圍裙筆硯紙劄銀五兩六錢扛轎釘
繩銀八兩

初所有車二十八輛牛一百二十二頭夫一百
二十二名每歲給工食二十八兩隆慶五年以
車牛虛名而無實用議去裁革扣牛頭十二名
在府以待前役之費

走遞夫一百名每名歲給工食銀二十八兩本縣
審編一十六名各州縣協編八十四名

浙川一十六名光山二名上蔡三名新蔡三名
遂平二十名商城二十一名息縣一十四名信

陽州五名

各以額糧派徵先期解用百夫人兼扛差轎差執事皂隸三役招募應役者皆稍稍殷實之家各僱三役轎撥初縣有走遞排夫主持執事迎送至是停止而併其役於所夫然惟執事皂隸南送襄陽則兼二站之程因議本縣徭編四十名之工食曰轎夫銀以補絡之徒夫驛遞無常數法不脫楛而役之

國朝順治十三年定額車四輛牛八隻夫四十名

舊額銀四千三百四兩六錢四分六釐十四年
今徵銀七百三十二兩三錢四分五釐七毫六
絲

本縣原編遞運所牛四隻

舊額銀八十八兩今徵銀一十八兩九錢一分
五釐六毫遇閏加額銀七兩二錢三分三釐三
毫

載全
書

掣回光山縣協濟牛七隻

舊額銀一百六十二兩五錢今徵銀三十四兩

九錢三分九釐四毫遇閏加額銀一十三兩五

錢四分一釐七毫

載全書

唐縣協濟牛站

舊額銀二十兩一錢九分六釐今徵銀八兩一錢六分三釐二毫

舞陽縣協濟牛站

舊額銀一千九十二兩一錢五分六釐今徵銀二百五十二兩六錢一分五釐七毫

又唐縣協濟牛站

息縣抵光山縣協濟牛站

舊額銀五百六十二兩六錢今徵銀九十二兩
四錢八分九釐三毫一絲

商城縣抵光山縣協濟牛站

舊額銀五十一兩六錢七分今徵銀四兩八錢
九分三釐二毫

汝州府志載汝陽驛馬匹銀四百三十二兩閏增

七十二兩二錢有奇覲增六十九兩三錢有奇覲

所入夫銀四百四十八兩閏增四兩四錢八分

覲增十九兩三錢每明年春夏站糧今年夏稅均
派帶徵明年秋冬站糧今年秋糧均派帶徵

今按驛遞官役及車牛等項久經裁併其夫馬工料
等除裁扣者解驛道外現存驛馬八十五匹歲支
銀一千五百三十兩閏加一百二十七兩五錢驛
馬夫四十一名歲支銀六百六十四兩二錢閏加
五十五兩三錢五分塘馬二匹歲支銀三十六兩
閏加三兩塘馬夫二名歲支銀三十二兩四錢閏
加二兩七錢損轎夫六十五名歲支銀一千五十

三兩閏加八十七兩七錢五分走遞公文馬夫二
名歲支銀三十二兩四錢閏加二兩七錢探馬夫
四名歲支銀六十四兩八錢閏加五兩四錢馬牌
子二名歲支銀三十二兩四錢閏加三兩七錢館
夫六名歲支銀九十七兩二錢閏加八兩一錢醫
獸一名歲支銀七兩二錢閏加六錢修理號房一
十一兩二錢五分藥材銀一十七兩八錢五分鞍
廐銀二十七兩煮料柴值銀二十七兩槽鏟鍋油
一十三兩五錢過差廩糧銀七十四兩七錢六分

六釐其廩糧按勘合火牌支給餘剩銀年終同小

建及皮張變價銀彙解驛傳道

以上載舊志

舊志載塘馬二匹塘馬夫二名於康熙四十八年奉

部裁扣解道應需銀兩本縣自行捐給又熬煎驛夫六十五名於雍正三年奉

部留四損轎夫二十六名每名日留工食銀四分五釐歲留銀四百二十一兩二錢閏月添留銀三

十五兩一錢

此卽六十五名內十中存四將此二十六名工食閏月銀兩扣算留庫去

不敷用取此項銀
僱覓餘仍解道

長養損夫三十九名歲支銀六

百三十一兩八錢閏月增銀五十二兩六錢五分

此卽六十五名
內之長膺役者

買補倒馬銀二百四十兩又載

夫六名歲支銀九十七兩二錢閏月增銀八兩一

錢雍正六年奉

部全裁解司以上現行諸項及閏月銀兩通共
算實在支銀三千六百五十五兩四分六釐

新野縣知縣常山徐金位纂

蹟志

新野斗城也而勢踞衝繁南接襄漢北達宛洛其在
東周晉楚更伯會盟征伐之跡靡得而聞漢代以還
分合倏忽光武啟運之所乘昭烈羈旅之所爭高
祖征羌武侯關壯繆之所經營及他英賢故里前哲塚
墓雖滄桑改易而曠野荒城存什一於千百足以動
騷人詞客之憑弔唏噓者政不一而足也作古蹟志

帝蹟 諸后及從視諸臣并附

漢

光武皇帝居南陽之白水鄉姊嫁新野鄧晨因與新野多親密王莽地皇三年寇盜蓬起春陵宗族賓客劫人吏拘之急乃避吏於晨家初穰人蔡少公學圖讖言秀當爲天子晨心甚喜至是說之曰王莽篡逆人心思漢今悖暴已甚此天亾之時也遂同謀議與兄演起兵春陵招新市平林兵西擊長聚時推驕牛殺新野縣尉始得馬進屠唐子邈

潁陽尉進拔棘陽與莽軍戰泌水斬甄阜梁邯

又破嚴尤陳茂於涓陽由此掃蕩群氛遂成帝業
新固其肇興地也今祠於白水書院春秋秩祀

光武光烈陰皇后名麗華邑人陰睦之女光武微時
聞后美悅之後至長安見執金吾車騎甚盛歎曰
仕宦當至執金吾娶妻當得陰麗華及更始元年
遂納后於宛卽位迎入洛以爲貴人后雅性寬仁
帝屢欲崇以尊位后終不敢當遂立郭后建武四

年從征彭寵生明帝于元氏尋廢郭后立以爲后

在位恭儉少嗜玩不喜咲謔自七歲失父雖數十
年言及未嘗不流涕明帝卽位尊爲太后台合葬
陵

和帝陰皇后陰綱女光烈皇后兄執金吾識之曾
女少聰慧喜書藝永元四年選入掖庭爲貴人有
殊寵八年立爲后和熹鄧后入宮寵愛稍衰坐
詛事廢卒葬臨平亭

和熹鄧皇后名綏太傅禹孫女父訓母陰氏光烈
從弟女也后年五歲太傅夫人愛之自爲剪髮

譏傷后額后忍痛不言懼傷老人意也性
喜讀書母常非之曰汝不習女工專務讀書欲舉
博士耶后重違母意晝修婦業暮誦經典及母卒
晝夜號泣憔悴毀容永元七年選入宮爲貴人恭
肅小心動有法度承事陰后夙夜戰兢會陰后薨
巫蠱事廢立爲后帝每欲官爵鄧氏后輒哀請謙
讓故兄騭終帝世不過虎賁中郎帝崩殤帝卽位
尊爲皇太后臨朝殤帝崩定策立安帝猶臨朝詔
河南尹南陽太守檢勅鄧氏親屬犯罪無所假貸

憫陰氏之廢赦其徙者歸故郡勅還貲財爵太夫人爲新野君后自入宮掖從曹大家受經書博選諸儒校讐東觀詔徵諸王子男女年五歲以上者及鄧氏子孫並爲開第教學崩合葬順陵

桓帝鄧皇后名猛和熹皇后從兄香女永興中選入掖庭梁后崩始立爲皇后被寵幸帝多內幸而后恃尊驕忌與郭貴人更相譖訴尋坐廢以憂死葬北邙

後漢

昭烈皇帝建安六年帝以左將軍領豫州牧

敗於汝南遂奔劉表比至表郊迎之益其衆使

新野北拒操帝於是居新野者數年嘗詣荊州與

表議事中坐起如廁以髀肉復生慨然流涕建安

十二年操北伐烏桓帝勸表襲許表不能用是年

三顧諸葛亮於隆中情好日密有魚水之契亮爲

畫取荆益之策帝以有所不忍難之未幾劉表卒

操南征至宛劉琮舉州降帝進退失據遂自樊城

南奔夏口居民從者十餘萬人日行纔十數里或

謂宜趨保江陵帝曰夫濟大事必以人爲本今歸
吾何忍棄也帝纂承漢統雖在西蜀而得諸葛於
新野則帝業肇於此矣今立祠城南春秋秩祀
按舊志以帝爲新野牧又載民謠曰新野牧劉皇
叔自到此民豐足其說似出於稗官而此地又苦
無全史考證姑錄存之以俟博聞君子

諸葛亮字孔明本瑯琊人寓居襄陽隆中徐庶謂昭
顯曰孔明臥龍也將軍豈願見之乎帝曰君與俱
來庶曰此人可就見不可屈致也帝於是凡三顧

之乃得見亮感如獲時躬盡瘁三冬之講

庶數語中矣今配饗昭烈祠
徐庶字元直潁川人從昭烈於新野薦諸葛孔明
未幾隨帝南奔至當陽其母為操所獲庶以方寸
已亂辭去且曰孔明士元不啻庶也遂請操令
饗昭烈祠

龐統字士元襄陽人與諸葛齊名時號伏龍
後佐昭烈取蜀有功今配饗昭烈祠

關羽字雲長解梁人昭烈屯新野羽為別部司馬

曹操兵至帝南奔羽以船數百艘會帝於沔得濟
後鎮荊州威振華夏操擬遷都避之今配饗昭烈
祠

張飛字翼德涿郡人操追及昭烈於當陽長坂飛
獨拒後據水斷橋瞋目橫戈厲聲曰身是燕人張
翼德可來共決死曹兵無敢近者今配饗昭烈祠
趙雲字子龍常山人從昭烈於新野會帝南奔雲
抱帝于禪透重圍會於長坂今配饗昭烈祠

古蹟

于城

注漢光武移烈所築今城舊處之分司也

吾城

縣北二十五里肇建未詳

九女城

縣東南四十里世傳九女所築

濟陽城

九女城北未詳所自按沿革志並置縣東遷徙治棘陽在唐新之界今城舊在舊巨城棘陽城也俟考

光武臺

縣北二十里白河東岸世傳光武登臺望北今圯大半矣

議事臺

世傳徐庶薦孔明於此議事在僑學東

聖后宅

有二一為城南乾明寺一為城南二聖廟院寺蓋陰有兩后宅地固非一處或曰聖后寺麗華宅也四院寺多蓮花池云或以為后家之蓮花池云

鳳皇山

統志作雉子山
之後雖有雉子山之名
然其地與鳳皇山無涉
蓋鳳皇山在雉子山之南
而雉子山在雉子山之北
故其地與鳳皇山無涉也

鳳皇山

統志作雉子山
之後雖有雉子山之名
然其地與鳳皇山無涉
蓋鳳皇山在雉子山之南
而雉子山在雉子山之北
故其地與鳳皇山無涉也

鳳皇山

統志作雉子山
之後雖有雉子山之名
然其地與鳳皇山無涉
蓋鳳皇山在雉子山之南
而雉子山在雉子山之北
故其地與鳳皇山無涉也

鳳皇山

統志作雉子山
之後雖有雉子山之名
然其地與鳳皇山無涉
蓋鳳皇山在雉子山之南
而雉子山在雉子山之北
故其地與鳳皇山無涉也

鳳皇山

統志作雉子山
之後雖有雉子山之名
然其地與鳳皇山無涉
蓋鳳皇山在雉子山之南
而雉子山在雉子山之北
故其地與鳳皇山無涉也

鳳皇山

統志作雉子山
之後雖有雉子山之名
然其地與鳳皇山無涉
蓋鳳皇山在雉子山之南
而雉子山在雉子山之北
故其地與鳳皇山無涉也

鳳皇山

統志作雉子山
之後雖有雉子山之名
然其地與鳳皇山無涉
蓋鳳皇山在雉子山之南
而雉子山在雉子山之北
故其地與鳳皇山無涉也

鳳皇山

統志作雉子山
之後雖有雉子山之名
然其地與鳳皇山無涉
蓋鳳皇山在雉子山之南
而雉子山在雉子山之北
故其地與鳳皇山無涉也

阿里街 昔孔嵩流寓於此今失其處

諸葛莊

東南四十五里野白岡今爲玉皇廟古井尚存南陽臥龍岡碑陰載新野地五頃佃人張姓

青羊塔

縣正北十里

望夫石

北二十五里後唐村白河之濟世傳一婦送其夫戍武勝軍佇立不返遂化爲石武勝軍

今之鄧州

晉楸

城北關壯繆祠前相傳晉時所植老幹已枯旁枝猶茂望之如怪石聳立真千年物也

塚墓

青塚

青羊塔右

古亂塚

縣北二里或三四相連狀如聯珠世傳爲光武勳戚之墓

馬毅塚

漢馬武之弟城東北三十五里

馬鞍塚

縣北四里許二三相連若馬鞍然其舊與墓皆莫可考

破塚

東南里許未詳

金狀元劉文龍墓

縣南十二里白河鎮

明

知州曹

銘墓

板橋

知縣楊

威墓

鳳鳴

林墓

縣北

子齊

墳墓孝子喬

碑墓

在城北三里白河前

子齊

雲墓

城北二里無路公迎爲表

長史喬

木墓

鳳鳴鄉

參議徐

茂墓

城北一里

知縣張

苡墓

城東北石羊岡修撰羅洪先爲表

知縣蕭

麟墓

溧河舖太史郭樸爲表

教諭劉

瓘墓

板橋

知府劉良卿墓

安樂寨

太僕蕭體元墓

溧河舖

副使馬化龍墓

城北三十里

知縣黃芬墓

城南三十里

知府陶鴻儒墓

城北二里

侍郎馬之騏墓

城北十三里

郎中馬之駿墓

城北三十里

郎中曹烽墓

城北二十里

推官李復初墓

城東二十里

御史焦榮墓

城北三十五里

進士楊景煌墓

城南三里

通判李

重墓

城北三里

漏澤園

北門外載地二畝餘

義塚

在南關外載地二畝康熙壬辰知縣武國樞置

Blank page with vertical lines.

新野縣知縣常山徐金位纂修

天人相與之際甚可危也自宋王安石倡爲天變不足畏之說而世遂以災祥爲適然之數獨不思熒惑退舍蝗不入境非感召之明驗歟休咎之徵所以爲司土者儆也作祥異志

西漢高后八年大水

王莽地皇三年大饑寇盜蜂起十一月有星孛于張東

南行占曰翼軫之分楚地有兵明年光武起兵於白
水鄉

東漢建武二十二年九月春陵地裂

永元五年夏五月大風拔木

永壽元年秋八月星入太微大水

唐貞觀二年蝗甚三年大水民多流移四年大稔流散
者歸業外戶不閉行旅不齎糧取給於道路開元八
年大水或見二小兒以水相沃俄而暴雨漂沒數
百家十年五月大水

宋淳化五年雨水害稼

景德四年夏六月河水暴漲害稼漂沒民居溺死甚衆
十五年七月大水溺死數千人

元至元二年大霖雨三十日湍白河水大溢

明永樂五年夏五月產瑞麥多兩岐或有五岐者是歲
大有年

宣德四年麥秀兩岐

景泰七年雨雹

成化二十年大饑斗米百二十錢

洪治六年大雪彌四月

十二年大有年

正德三年六月大暑途有渴死者冬崔橋群盜入境大肆掠

四年秋大旱民多死徙

五年七月邑北板橋西鄉產佳瓜一莖三枚者四二
歌者六

六年夏大水害稼民多溺死秋鉅賊劉六等入境

七年上元夜燒香人聚多逃竄數月始歸

十四年三月邑西江石灘天雨粟麥週國十
歲其地大稔

十六年正月初一日地震

嘉靖二年九月邑北小石橋舖甘露降於楸樹上露
凝綴若明珠居民劉三者取食之如飴越十日復
如初

四年二月邑西北岡頭顧和家牛產麒麟家人駭
共撻殺之

七年秋大旱民多饑死至八年春尤甚及春夏之交

又大疫間有舉室無噍類者歲行大稔麥秀兩岐穀亦三穗

十五年蝗飛蔽天

十八年上南幸承天道新野駐蹕後大荒斗米百三十錢

二十二年大蝗食禾幾盡

三十四年十二月十二日夜地震有聲如雷自西北來再時方已鳥獸皆驚廬舍動搖

三十七年大水害禾稼壞室廬民多溺死者夏邑

文學吳遵化家產靈芝一本

隆慶三年夏大風拔木

四年大有年

六年夏大水害稼 九月縣北亂塚梨花盛開

萬歷元年雨水

二十一年清水溢歲大饑

三十一年至四十三年皆大水四十四年六月蝗未

傷稼秋冬白氣障日周露織紅歷卯辰巳光乃全復

四十五年六月蝗飛蔽天禾草間食七月蝗蝻絡野

禾稼一空至天啟三年凡七載灾始絕

崇正八年大水民多饑死十一年蝗民多饑死十五年
八月有三日相角自卯至巳方退者數次十七年十
月十五日天鼓鳴起西北至東南

上載
舊志

國朝

順治十七年邑北日暉菴池中出青蓮一枝並蒂紅蓮
一枝紅白各半蓮一枝

康熙六年丁未邑人鄭祥生家羅氏女一產三異
七年戊寅麥秀五穗

六年丁巳夏秋雨水害稼人多瘟疫死

二十五年甲寅正月初一日申時天鼓鳴起東北

東南

三十年辛未閏七月沙堰馬家庄並城東西堤蝗食
草未食苗又邑北厚莊王聶地內產麥一莖五穗

三十四年乙亥四月初六日戌時地動瞬息即止

三十五年丙子五月初二日夜降冷雹小者如指大

者如棗

四十二年癸未水荒

四十八年己丑三四月之交湍清二河連發水者五
二麥淹沒房屋倒毀

四十九年庚寅麥穗僅十餘粒穀內多形草子

五十一年壬辰七月趙庄江守朝地內產禾一莖六
穗又邑南齊光福地麥秀雙穗

雍正十二年邑南齊兆麟地麥秀雙穗

乾隆元年湍清水溢平地深數尺漂屋舍不可勝計
六年大水

十年大水

十四年六月湍涪大溢倍於乾隆元年禾稼屋宇漂
沒十之六七民有巢棲者蒙上憲題奉

皇仁發穀賑恤

